



16
2758
6



8278
3

李太白文集卷之十

錢唐 王琦珠崖輯註

濟 魯川校

右近體詩共二十四首

秋江綠葉院 鍾白髮 贈元六兄 林宗 編會編注也 古與混

木落識歲秋 旅休知大寒 桂枝日已綠 拂雪凌雲端
弱齡接光景 矯翼攀鴻鸞 投分三十載 榮枯同所歡
長吁望青雲 猶自坐相看 秋顏入曉鏡 壯髮凋危冠
窮與隱生 貴飢從漂母 貧時來極 初木 天人道在登

門 16
號 2758
卷 6

李太白文集卷之十

昭十六年一月十一日寄
尼野貴英氏贈

錢塘 王琦琢崖輯註

濟 魯川較

古近體詩共二十四首

秋日鍊藥院鑷白髮贈元六兄林宗 韻會鑑箝也音與湟

同

木落識歲秋瓶冰知天寒桂枝日已綠拂雪凌雲端
弱齡接光景矯翼攀鴻鸞投分三十載榮枯同所歡
長吁望青雲鑷白坐相看秋顏入曉鏡壯髮凋危冠
窮與鮑生賈飢從漂母食時來極 胡本作拯 天人道在豈

吟嘆樂毅方

蕭本作豈

適趙蘇秦初說韓卷舒固在我何

事空摧殘

淮南子見一葉落而知歲之將暮觀瓶中之冰而知天下之寒陶潛詩弱齡寄事外

潘岳詩投分寄石友李善註阮瑀為魏武與劉備書曰披懷解帶投分寄意分猶志也莊子去其危冠楊

縉詩壯髮危冠下七首地圖中史記管仲曰吾始困時嘗與鮑叔賈分財利多自與鮑叔不以我為貪知

我貪也史記燕昭王問伐齊之事樂毅對曰齊霸國之餘業也地大人眾未易獨攻也王必欲伐之莫如

與趙及楚魏於是使樂毅約趙惠文王別使連楚魏令趙囑秦以伐齊之利諸侯害齊湣王之驕暴皆爭

合從與燕伐齊燕昭王悉起兵使樂毅為上將軍趙惠文王以相國印授樂毅樂毅於是并護趙楚韓魏

燕之兵以伐齊破之濟西按史記蘇秦列傳其游說六國先說燕文侯二說趙肅侯三說韓宣惠王四說

魏襄王五說齊宣王六說楚威王今引樂毅適趙蘇秦說韓二事皆言功業未成就之意

書情贈蔡舍人雄

嘗高謝太傅

一作嘗聞謝安石

攜妓東山門楚舞醉碧雲吳

歌斷清猿暫因蒼生起談笑安黎元余亦愛此人丹

霄冀飛翻遭逢聖明王敢進興亡言

繆本下多蛾眉積讒妒魚目噴

璵白壁竟何辜

一作本無瑕

青蠅遂成寃一朝去京國十

載客梁園猛犬吠九闕殺人憤精魂皇穹雪寃

繆本作天

枉白日開昏氛

繆本作氛昏

太階得夔龍桃李滿中原倒

海索明月凌山採芳蓀魏無橫草功虛負雨露恩跡

謝雲臺閣心隨天馬轅

蕭本作轅。世說謝安在東山畜妓簡文曰安石必出既

與人同樂不得不與人同憂劉孝標詳宋明帝文章志曰安縱心事外疎畧常節每畜女妓攜持游肆蒼

生事已見七卷註封禪書以浸黎元呂延濟註黎元百姓也王粲詩苟非鴻鵬孰能飛翻范雲詩遭逢聖

明后來棲桐樹枝王僧達詩聊訊興亡言陳子昂詩
青蠅一相點自壁遂成窳梁園梁地也在唐為汴州
今為開封府其地有漢梁王之園太白在天寶中游
梁最久故詩中屢以梁園為言宋玉九辯豈不鬱陶
而思君兮君之門以九重猛犬狴狴而迎吠兮關梁
閉而不通招魂虎豹九關啄害下人謝靈運詩盛明
盪氛昏孟康漢書註泰階三台也每台二星凡六星
晉書三台三公之位也在人曰三公在天曰三台文
心彫龍倒海探珠謝靈運詩浥露馥芳蒸江總詩徐
志採芳蒸漢書終軍傳軍無橫草之功顏師古註言
行草中使草偃臥故云橫草也後漢書臣願與坐雲
臺之下考試圖國之道又樊擘與光武少游舊建武
初徵為侍御史遷河東都尉引見雲臺玉海五行志
雲臺周家所造圖書術籍珍玩寶怪所藏東京賦南
則前殿雲臺洛陽記雲臺高閣十四間高誘淮南子
註臺高際於雲故曰雲臺跡謝雲臺閣心隨天馬轅
卽身在江湖心 夫子王佐才而今復誰論曾鸞振六
存魏闕之意

翻不日思騰騫我縱五湖棹烟濤恣崩奔夢釣子陵

湍英風繆本緬猶存徒蕭本希客星隱弱植不足援

千里一迴首萬里一長歌黃鶴不復來清風奈愁蕭本

作愁 何舟浮瀟湘月一作江橫山倒洞庭波投汨笑

古人臨濠得天和閑時田畝中搔背牧雞鵝別離解

相訪應在武陵多漢書劉向稱董仲舒有王佐之材

名知人見荀或而異之曰王佐才也層巖高風也古
詩昔我同門友高舉振六翮韻會翻鳥之勁羽也韓
詩外傳鴻鵠一舉千里所恃者六翮耳蓋鳥翅之勁
者左右各六飛時全藉其力鍛其六翮則不能飛矣
說文騫飛貌國語越滅吳返至五湖范蠡辭於王曰
君王勉之臣不復入越國矣遂乘輕舟以浮於五湖
莫知其終極謝靈運詩圻岸屢崩奔章懷太子後
漢書註顧野王輿地志曰桐廬縣南有嚴子陵釣壇
處今山邊有石上平可坐十人臨水名為嚴陵釣壇
也廣韻緬遠也藝文類聚會稽典錄曰嚴遵字子陵

與世祖俱受業長安建武五年下詔徵遵設樂陽明
殿命宴會暮留宿遵以足荷上其夜客星犯天子宿
明且太史以聞上曰此無異也昨夜與嚴子陵俱臥
耳左傳其君弱植孔穎達正義周禮謂草木為植物
植謂樹立君志弱不樹立也瀟湘洞庭見惜餘春賦
註一統志秦望山在杭州府城南一十里山東南有
羅刹石橫截江濤後更名鎮江石五代開平中為潮
沙所沒錢塘縣志浙江一名羅刹江取風濤險惡意
江中有羅刹石風濤至此倍險唐郡守仲秋設祭迎
潮於此史記屈原懷石自投汨羅以死應劭註汨水
在羅故曰汨羅也史記索隱荆州記云長沙羅縣北
帶汨水去縣四十里是原自沉處北岸有廟也楚辭
章句汨水在長沙羅縣下注湘水中通典岳州湘陰
縣北有汨水即屈原懷沙自沉之處俗謂之羅江莊
子莊子與惠子游於濠梁之上莊子曰儵魚出游從
容是魚樂也惠子曰子非魚安知魚之樂莊子曰子
非我安知我不知魚之樂通典濠州鍾離縣有濠水
即莊惠觀魚之處莊子若正汝形一汝視天和將至
淮南子交被天和食於地德唐時之武陵郡
即朗州也屬山南東道○騫者所汨音覓

憶襄陽舊遊贈

繆本下多濟陰二字

馬少府巨

唐時之襄陽郡即襄

州也屬山南東道濟陰郡即曹州也屬河南道

昔為大堤客曾上山公樓開窓碧嶂滿拂鏡滄江流

高冠佩雄劍長揖韓荆州此地別夫子今來思舊遊

朱顏君未老白髮我先秋壯志恐蹉跎功名若雲浮

一作有意未得言懷賢若沉憂歸心結遠夢落日懸春愁空思羊叔

子墮淚峴山頭一作何時共攜手更醉峴山頭○襄陽郡城外有大堤有峴山已見五卷

註晉時山簡為襄陽太守山公樓是其遺跡今亡所在韻會嶂山之高險者增韻山峰如屏障者韓荆州名朝宗開元中為荆州長史太白謁見長揖不拜詳見後與韓荆州書及魏顯李翰林集序太平御覽荆州圖記曰羊叔子與鄒潤甫嘗登峴山嘆曰自有宇宙便有此山由來賢達登此遠望如我與卿者多矣

皆湮沒無聞念此令人悲傷潤甫曰公德冠四海道
嗣前哲令聞令望必與此山俱傳若潤甫輩當如公
語耳後參佐爲立碑着故望處百姓每行望
碑莫不悲感杜預名爲隨淚碑○嶂音帳

對雪獻從兄虞城宰唐時宋州睢陽郡有虞城縣隸河南道

昨夜梁園裏繆本作雪弟寒兄不知庭前看玉樹腸斷憶

連枝梁園已見七卷註玉樹雪中樹也蘇武詩况我連枝樹與子同一身

訪道安陵遇蓋寰蕭本作還爲予造真籙臨別留贈

唐時德州平原郡有安陵縣隸河北道隋書道經者云其受道之法初受五千文籙次授三洞籙次受洞京籙次受上清籙籙皆素書紀諸天曹官屬佐吏之名有多少又有諸符錯在其間文章詭怪世所不識受者必先潔齋然後齋金環一并諸贊幣以見於師師受其贊以籙授之仍剖金環各持其半云以爲約弟子得籙緘而佩之○寰音環

清水見白石仙人識青童安陵蓋夫子十歲與天通

懸河與微言談論安可窮能令二千石撫背驚神聰

揮毫贈新詩高價掩山東至今平原客感激慕清風

學道北海仙傳書藥珠宮丹田了玉闕白日思雲空

爲我草真籙天人慙妙工七元洞豁落八角輝星虹

三災蕩穉蛟龍翼微躬舉手謝天地虛無齊始終

黃金滿繆本作獻高堂荅荷難克充下笑世上士繆本作事沉

魂北羅鄴昔日萬乘墳今成一科蓬贈言若可重寶

此輕華嵩古艷歌行語卿且勿盼水清石自見太平廣記漢元壽二年八月巳西南岳真人赤

君西城王君及諸青童並從王母降於茅盈室晉書郭象能清言太尉王衍每云聽象語如懸河瀉水注

而不竭漢書昔仲尼沒而微言絕顏師古註精微要
妙之言耳漢武帝內傳此元始天王在丹房之中所
說微言鮑照詩奇聲振朝邑高價服鄉村平原客謂
平原郡中賓客北海仙謂北海高天師如貴太白於
齊州請高天師授道籙故蓋寰為之書造真籙也西
昇經遂徧歷九天上升上清白闕丹城藥珠宮梁邱
子黃庭內景經註藥珠上清境宮闕名也真靈位業
圖有太和殿陽殿藥珠宮黃庭外景經丹田之中
精氣微梁邱子註臍下三寸是也黃庭內景經肺部
之宮似華蓋下有童子坐玉闕梁邱子註玉闕者腎
中白氣上與肺連也雲笈七籤太微黃書八卷素訣
乃舍於九天元母結文空胎歷歲數劫以成自然之
章太皇中歲成洞真金真玉光八景飛經元始天王
名之為八景飛經廣生太真各之為八素上經青真
小童各之為豁落七元隋書道經者云元始天尊所
說之經亦稟元一之氣自然而有非所造為亦與天
尊常在滅天地不壞則蘊而莫傳劫運若開其文
自見凡八字盡道體之奧謂之天書字方一丈八角
垂芒光輝照耀驚心眩目雖諸天仙不能省視樓炭
經天地有三災變一者火災變二者水災變三者風

災變法苑珠林二十小劫中則有小三災次第輪轉
一疾疫災二刀兵災三飢饉災劉昭後漢書補璇璣
者謂北極星也晉書天文志魁四星為璇璣杓三星
為玉衡三災蕩璿璣謂斗神覆護三災不能為害也
王康琚詩與物齊終始李善註孫卿子曰生人之始
也死人之終也顏延年詩美價難克充真誥羅鄴山
在北方癸地山高二千六百里周圍三萬里其山下
有洞天在山之中周圍一萬五千里其上其下並有
鬼神宮室山上有六洞洞中有六宮輒周圍千里是
為六天鬼神之宮也註云此即應是北鄭鬼王決斷
罪人住處白帖羅鄴山之洞周一萬五千里名曰北
帝死生之天皆鬼神所治五帝之宮考謫之府也荀
子贈人以言重
於金石珠玉

贈崔郎中宗之

崔祐甫齊昭公崔府君集序公
嗣子宗之學通古訓詞高典冊
才氣聲華邁時獨步仕於開元中為起居郎再
為尚書禮部員外郎遷本司郎中時文國禮十
年三入終於右司郎中位不充海內嘆息按
唐書崔宗之乃宰相日用之子襲封齊國公好

學寬博有風檢與李
白杜甫以文相知

胡鴈

一作鷹

拂海翼翱翔鳴素秋驚雲辭沙朔飄蕩迷

河洲

一作胡鷹度日邊兩龍天地
秋哀鳴沙塞寒風雪迷河洲

有一作乃

如飛蓬人

去逐

一作去

萬里遊登高望浮雲彷彿如舊邱日從海

旁沒水向天邊流長嘯倚孤劍目極心悠悠歲晏歸

去來富貴安可

繆本作所

求仲尼七十說歷聘莫見收魯

連逃千金珪組豈可

一作不足

酬時哉苟不會草木為我

儔希君同攜手長往南山幽

鮑照詩胡鴈已矯翼初
學記梁元帝纂要曰秋

曰素秋張華詩星火既夕忽焉素秋李周翰註西方
色白故曰素秋沙朔謂朔方沙漠之地薛道衡高祖
文皇帝誄運天策於帷展播神威於沙朔北史洎乎
有魏定鼎沙朔商子飛逢遇飄風而行千里江淹詩

渺然萬里遊鮑照詩復得還舊邱呂向註舊邱舊里
也楚辭日極千里兮傷春心詩國風悠悠我心楚辭
歲既晏兮孰華予王逸註晏晚也淮南子孔子欲行
王道東西南北七十說而無所偶論衡孔子不能容
於世周流遊說七十餘國未嘗得安魯連逃千金詳
見二卷註左思詩吾慕魯仲連談笑却秦軍功成恥
受賞高節卓不群臨組
不肯綵對珪寧肯分

贈崔諮議

唐書百官志王府官有諮議參軍
事一人正五品上掌訖謀議事

騷蕭本

騷本天馬素非伏櫪駒長嘶向

一作起

清風倏

忽凌九區何言西北至却走

繆本作是

東南隅世道有翻

覆前期

一作程

難預圖希君

一作前

剪拂

一作便

猶

可騁中衢

張衡南都賦騷齊鑣李善註騷騷駿馬
名也穆天子傳八駿有赤騷耳魏武帝

詩老驥伏櫪志在千里楚辭招魂往來倏忽王逸註
倏忽疾急貌史記初天子發書易云神馬當從西北

來庾肩吾詩渥水出騰駒湘川實應圖來從西北道
去逐東南隅九區剪拂俱見三卷天馬歌註中衢猶
中道也淮南子道中衢而致尊
耶傅玄正都賦灑奔駟於中衢

贈昇州王使君忠臣

唐書地理志江南道昇州江寧郡至德二載以潤州

之江寧縣置上元二年廢太平寰宇記安祿山亂肅宗以金陵自古雄據之地時遭艱難不可縣統之因置昇州仍加節制實資鎮撫時方艱弊力難興造因舊縣宇以為州城祿山平後復廢州依舊為縣

六代帝王國三吳佳麗城賢人當重寄天子借高名

巨海一邊靜長江萬里清應須救趙策未肯棄侯羸

揚齊賢曰唐昇州吳晉宋齊梁陳所都東極於海西帶長江胡三省通鑑註漢置吳郡吳分郡置吳郡吳郡晉又分吳興丹陽置義興郡是為三吳酈道元曰世謂吳郡吳興會稽為三吳杜佑曰晉宋之間以吳

郡吳興丹陽為三吳謝朓詩江南佳麗地北史足下宿當重寄早預心膂侯羸事見三卷註

贈別從甥高五

魚目高太山不如一珉璠賢甥即明月聲價動天門

能成吾宅相不減魏陽元自顧寡籌畧功名安所存

五木思一擲如繩繫窮猿樞中駿馬空堂上醉人喧

黃金久已罄為報故交恩聞君隴西行使我驚一作清

心魂與爾共飄飄雪天各飛翻江水流或卷此心難

具論貧家羞好客語拙覺辭繁三朝空錯莫對飯却

慙窵自笑我非夫生事多契闊積蓄繆本作蓄積萬古憤

向誰得開豁天地一浮雲此身乃毫末忽見無端倪

太虛可包括去去何足道臨岐空復愁肝膽不楚越

山河亦衾疇雲龍若蕭本作將相從明主會見收成功解

相訪溪水桃花流魚目魚之目睛似珠者也明月珠夜光珠也俱見二卷註說文璵璠

魯之寶玉孔子曰美哉璵璠遠而望之與若也近而視之瑟若也左傳陽虎將以璵璠斂杜預註璵璠美玉也晉書魏舒字陽元少孤為外家寧氏所養寧氏起宅相宅者曰當出貴甥舒曰當為外祖成此宅相

三國志註江表傳曰公瑾文武籌畧萬人之英世說桓宣武與袁彥道標蕭表彥道齒不合遂厲色擲去

五木元革五木經樛蒲古戲其投有五故白呼為五木以木為之因謂之木今則以牙角尚飾也演繁露

古惟斲木為子一具凡五子故名五木後世轉而用石用玉用象用骨故列子謂之投瓊律文謂之出玖

世說窮猿奔林豈暇擇木唐隴右道有隴西郡按通典渭州禹貢曰導渭自鳥鼠同穴即其地也春秋為

羗戎之居秦置隴西郡以居隴坻之西為名唐為渭州亦謂之隴西郡領襄武隴西渭源障四縣沈約詩

短翮屢飛翻班固東都賦春王三朝章懷太子註三朝元日也謂歲之朝月之朝日之朝李善註三朝歲首朔日也然此詩所謂三朝即三日之義與東都賦所言不同鮑照詩今朝見我顏色衰意中錯莫與先

異左傳成師以出聞敵強而退非夫也杜預註非丈夫也詩國風死生契闊毛傳云契闊勤苦也夏侯湛

東方朔畫贊明濟開豁包含引大莊子號物之數謂之萬人處一焉此其比萬物也不似毫末之在於馬

體乎又云反覆終始不知端倪又曰自其異者視之肝膽楚越也自其同者視之萬物皆一也詩國風抱

衾與裯毛傳曰衾被也裯禪被也鄭箋曰裯衾帳也孔穎達正義鄭既以衾為被不宜復云禪被也漢世

各帳為裯蓋因於古故以為牀帳溪水桃花用武陵桃花源事見二卷註○與音余璠音煩疇音儔

贈裴司馬按唐書百官志刺史之僚佐有司馬一人位在別駕長史之下上州者從

五品下中州者從五品上下州者正六品上

翡翠黃金縷繡成歌舞衣若無雲間月誰可比光輝

李太白文集

卷十

七

秀色一如此多為眾女譏君恩移昔愛失寵秋風歸
愁苦不窺鄰泣上流黃機天寒素手冷夜長燭復微
十日不滿匹鬢蓬亂若絲猶是可憐人容華世中稀
向君發皓齒顧我莫相違古白頭吟晴如山上雪皎
若雲間月宋玉登徒子好
色賦此女登齋窺臣三年至今未許也梁元帝詩網
綴流黃機李善文選註環濟要畧曰間色有五緝紅
縹紫流黃也禮記正義皇氏云正謂青赤黃白黑五
方正色也不正謂五方間色綠紅碧紫駟黃是也黃
是中央正駟黃是中央間中央為土土克水水色黑
故駟黃之色黃黑也駟黃仰流黃之義曹植詩誰為
發皓齒

敘舊贈江陽宰陸調唐時淮南道之
揚州有江陽縣

太伯讓天下仲雍揚波濤清風蕩萬古跡與星辰高

開吳食東溟陸氏世英髦多君秉古節一作夫子
特峻秀

立冠人曹風流少年時京洛事遊遨腰間延陵劍玉

帶明珠袍我昔鬪雞徒連延五陵豪邀遮相組織呵

嚇來煎熬君開萬叢人鞍馬皆碎繆本
作闕易告急清憲

臺脫余北門厄間宰江陽邑剪棘樹蘭芳一本自腰
間延陵劍

以下作驂驪紅陽鸞玉劍明珠袍一諾許他人千金
雙錯刀滿堂青雲士望美期丹霄我昔北門厄摧如
一枝蒿有虎挾雞徒連延五陵豪邀遮來組織呵嚇
相煎熬君披萬人叢脫我如狴牢此恥竟未刷且食
緩山桃非天雨文章所祖託風騷蒼蓬老壯髮長策
未逢遭別君幾何時君無相思否鳴琴坐高樓淥水
淨窻牖政成聞雅頌人吏皆拱手投刃有餘地迴車
攝江陽錯雜非易理先威挫豪強下俱相同又繆本
特峻秀作時峻季狴牢作
貌牢託風騷作記風騷城門何肅穆五月飛秋霜

好鳥集珍木高才列華堂時從府中歸絲管儼成行

但苦隔遠道無由共脚觴江北荷花开江南楊梅鮮

繆本作熟又下多正好飲挂席候海色蕭本作乘繆

酒時懷賢在心日二句當風下長川多酤新豐醪滿載剡溪船中途不遇人

直到爾門前大笑同一醉取樂平生年漢書周太王長子太伯次

曰仲雍次曰公季公季有聖子昌太王欲傳國焉太

伯仲雍辭行采藥遂奔荆蠻公季嗣位至昌為西伯

受命而王故孔子美而稱曰太伯可謂至德也已矣

三以天下讓民無得而稱焉太伯初奔荆蠻荆蠻歸

之號曰句吳太伯卒仲雍立至曾孫周章而武王克

殷因而封之陸機詩太伯導仁風仲雍揚其波晉書

激清風於萬古厲薄俗於當年鮑照詩誰令乏古節

張銑註古節古人高尚之節陸機詩吳實龍飛劉亦

岳立華陽國志谷口子真秉箕穎之操湛然岳立謝

靈運詩仲春喜遊遊新序延陵季子將西聘晉帶寶

劍以過徐君王僧孺詩落日映珠袍關雎徒詳見二

卷註五陵豪見五卷註漢紀遷遮前後危殆不測辟

易見二卷註潘正叔詩迴跡清憲臺李善註漢宮儀

日御史為憲臺袁宏三四名臣贊思樹芳蘭剪除荆

棘李善註芳蘭以喻君子荆棘以喻小人晉書賀循

歷試二城刑政肅穆穉康琴賦華堂曲宴張揖上林

賦註梅楊其實似穀子而有核其味酸出江南齊民

要術楊梅臨海異物志云其子大如彈丸正赤五月

熟似梅味甜酸謝靈運詩挂席拾海月洛神賦浮長

川而忘反說文酤買酒也新豐酒見四卷註廣韻醪

美酒也剡溪船用王子猷訪戴安道事詳見九卷註

贈從孫義興宰銘唐時常州晉陵郡有義興縣屬江南東道

天子思茂宰天枝得英才朗然清秋月獨出映吳臺

落筆生綺繡操刀振風雷蠖屈雖百里鵬鷺望三台

退食無外事琴堂向山開綠水寂以閑白雲有時來

河陽富奇藻彭澤縱名杯所恨不見之猶如仰昭回
謝朓詩茂宰深遐瞻王僧孺文天枝峻密帝葉英芬
 操刀用子產語見九卷註潘尼詩巖屈固小往晉書
 三台六星兩雨而居起文昌列抵太微一日天柱三
 公之位也在人曰三公在天曰三台主開德宣符也
 西近文昌二星曰上台為司命主壽次二星曰中台
 為司中主宗室東二星曰下台為司祿主兵所以昭
 德塞違也詩國風退食自公楊齊賢曰宓子賤為單
 父宰彈琴不下堂而單父治後世以宰之室為琴
 堂張協詩荒庭寂以閑山岫峭且深晉書潘岳才名
 冠世出為河陽令岳美姿儀辭藻絕麗尤善為哀詠
 之文盧照鄰詩知君振奇藻晉書陶潛為鎮軍建威
 參軍謂親朋曰聊欲弦歌以為三徑之資可乎執事
 者聞之以為彭澤令在縣公田悉令種秫穀曰令吾
 常醉於酒足矣詩大雅倬彼雲漢昭回於天朱傳曰
 雲漢天河也昭光也回轉也言元惡昔蕭本滔天疲
 其光隨天而轉也○騫音軒元惡昔蕭本作滔天疲
 人散幽草驚川無恬蕭本鱗舉邑罕遺老誓雪會稽

恥將奔宛陵道亞相素所重投刃應桑林獨坐傷激
 揚神融一開襟絃歌欣再理和樂醉人心蠹政除害
 馬傾巢有歸禽壺漿候君來聚舞共蕭本謳吟農夫
 棄箠笠蠶女墮纓簪歡笑相拜賀則知惠愛深書康
惡大慙晉書巨猾滔天帝京危急潘岳西征賦牧疲
 人於西夏殷仲文解尚書表洪波振壑川無恬鱗元
 惡滔天二聯指上元中宋州刺史劉展舉兵為亂連
 陷揚潤昇蘇湖濠楚舒和廬諸州凡三月始平其
 事詳後二十七卷註常州與蘇湖揚潤四州地界相
 接其亂離不遑安處槩可知矣春秋繁露大夫蠡大
 夫種大夫庸大夫宰大夫車成越王與此五大夫謀
 伐吳遂滅之雪會稽之恥宛陵卽宣城也唐時宣州
 宣城郡理宣城縣本漢之宛陵縣地太白原註亞相
 李公重之以能政中丞李公免罷以移官蓋銘以劉
 展稱兵避難奔走失官因二公而復職者也唐時御
 史臺有大夫一員正三品中丞二員正四品亞相謂

卷之十
 七

御史大夫獨坐謂中丞海錄碎事御史大夫謂之亞
 相蓋御史大夫漢時位為宰相之副故唐人謂之亞
 相莊子庖丁為文惠君解牛手之所觸肩之所倚足
 之所履膝之所踣然齋然莫不中音合
 於桑林之舞乃中經首之會陸德明註桑林司馬云
 湯樂名崔宋舞樂名投刃應桑林言其治民之材
 如投刃得法綽然有餘地也後漢書光武特詔御史
 中丞與司隸校尉尚書令會同並專席而坐故京師
 號曰三獨坐激揚激濁揚清也潘岳西征賦開襟平
 清暑之館絃歌用子游宰武城事因寃罷移官故曰
 再理也漢書張禹傳後堂理絲竹管絃如淳曰今樂
 家五日一習樂為理樂世說註名士傳曰阮咸字仲
 容陳留人太原郭奕見之心醉不覺嘆服莊子牧馬
 小童曰夫為天下者亦奚以異乎牧馬者哉亦去其
 害馬者而已矣曲禮女子許嫁纓纓孔穎達正義婦人
 質弱不能自固必有繫屬故恒繫纓纓有二時一是
 少時常佩香纓二是許嫁時繫纓何以知然者內則
 云男女未冠笄給纓鄭以為佩香纓不云纓之形制
 又昏禮主人入親說婦纓鄭註云婦人十五許嫁笄
 而禮之因著纓明有繫也蓋以五采為之其制未聞

又內則云婦事舅姑給纓鄭云婦人有歷職吾所聞
 纓示繫屬也以此而言故知有二纓也

稱賢爾為最化洽一邦上名馳三江外峻節貫

雲霄通方堪遠大能文變風俗好客留軒蓋他日一

來游因之嚴光瀨

蜀志衛繼敏達夙成學識通博進
 仕州郡歷職清顯後漢書牟融以
 司徒茂才為豐令視事三年縣無獄訟為州郡最晉
 書鄭袤為黎陽令吏民悅服太守班下屬城特見甄
 異為諸縣之最地理志有南江中江北江謂松江錢塘
 江浦陽江今按地理志有南江中江北江是為三江
 其南江從會稽吳縣南入海北江從會稽毘陵縣東
 東北至會稽陽羨縣南入海北江從會稽毘陵縣東
 北入海太平寰宇記郡國志云禹貢三江吳郡南松
 江錢塘江浦陽江是也峻節高節也顏延年詩峻節
 貫秋霜李善註貫連也漢書通方之士不可亂
 顏師古註方道也梁書尚書令沈約當朝顯貴軒蓋
 盈門水經註自桐廬縣至於潛凡十有六瀨第二是
 嚴陵瀨瀨帶山下有石室漢光武時嚴子陵之所

居也故山及瀨皆即人姓名之山下有盤石周圍十數丈交枕潭際蓋陵所游也

草創大還贈柳官廸

天地為橐籥周流行太易造化合元符交媾繆本作媾

精魄自然成妙用孰繆本作孰知其指的羅絡四季間

微無一繆本作無隙日月更出沒雙光豈云隻姤女乘

河車黃金充轆轤執樞相管轄摧伏傷羽翮朱鳥張

炎威白虎守本宅相煎成苦老消爍凝津液髮髯明

窟塵死灰同至寂擣繆本作鑄非冶入赤色十二周律曆

赫然稱大還與道本無隔白日可撫弄清都在咫尺

北艷落死名南斗上生籍抑予是何者身在方士格

才術信縱橫世途自輕擲吾求仙棄俗君曉損勝益

不向金闕遊思為玉皇客鸞車速風電龍騎無鞭策

一舉上九天相攜同所適老子天地之間其猶橐籥乎河上公註天地空虛和

氣流行萬物自生其空虛猶橐籥也參同契乾坤者

易之門戶眾卦之父母坎離匡廓運轂正軸牝牡四

覆又曰易謂坎離坎離者乾坤二用二用無爻位周

流行六虛往來既不定上下亦無常陸陸新刻漏銘

入神之制與造化合符呂延濟註造化謂陰陽也符

同也參同契觀夫雖雄交媾之時剛柔相結而不可

解得其節符非有工巧以制御之本在交媾定制始

先陳子昂詩精魄相交媾參同契自然之所為兮非

有邪偽道惟斯之妙術兮審訂不誑語又曰坎戊日

精離巳月光日月為易剛柔相當土王四季羅絡始

終天地媾其精日月相揮持蟾蜍與兔魄日月氣雙

明又曰河上姤女靈而最神得火則飛不見埃塵彭

曉註河上姤女者真汞也見火則飛騰抱朴子丹砂

可為黃金河車可作銀子得其道可以仙身軛轅端
橫木駕馬領者也龍虎經神室有所象雞子為形容
五岳峙潛洞際會有樞轄淳于叔通大丹賦升熬於
甌山兮炎火張設下白虎倡導前兮蒼液和於後朱
雀翱翔戲兮飛揚色五采遭遇網羅施兮壓止不得
舉嗷嗷聲悲泣兮如嬰兒慕母顛倒就湯鑊兮摧折
傷毛羽俞琰註朱雀火也蕭士贊曰老者煉丹火候
之老嫩也參同契形體為灰土狀若明意塵擣冶并
合之馳入赤色門固塞其際會務令致完堅炎火張
於下晝夜聲正勤始文使可修終竟武乃陳候視加
謹慎審察調寒溫周旋十二節節盡更須親氣索命
將絕休死亡魄魂色轉更為紫赫然成還丹清都見
二卷註北鄴見本卷註搜神記南斗注生北斗注死
後漢書窮折方士黃白之術章懷太子註方士有方
術之士也闕謂朝廷之門關猶金門也真靈位
業圖有玉皇道君太平廣記木公亦云東王父亦云
東王公蓋青陽之元氣百物之先也冠三維之冠服
九色雲霞之服亦號玉皇君居於雲房之間以紫雲
為蓋青雲為城仙童侍立玉女散香真僚仙官巨億
萬計各有所職皆稟其命而朝奉翼衛故男女得道

者名籍所隸焉出仙傳拾遺太平御覽尺素訣曰太
微天帝登白鸞之車。媾音垢姤丑雅切噤去聲
贈崔司戶文昆季唐時州之屬吏有司戶參軍
州一人正八品下下
州一人從八品下

雙珠出海底俱是連城珍明月兩特達餘輝傍照本
作照 人英聲振名都高價動殊鄰豈伊箕山故特以

風期親惟昔不自媒擔簦西入秦攀龍九天上忝列
繆本作 歲星臣布衣侍丹墀密勿草絲綸才微惠渥

重讒巧生緇磷一去已十年今來復盈旬清霜入曉
鬢白露生衣巾側見綠水亭開門列華茵千金散義
士四座無凡賓欲折月中桂持蕭本為寒者薪路傍

已竊笑天路將何因垂恩儻邱山報德有微身三國志註
孔融與韋康父端書曰前日元將來淵才亮茂雅度
弘毅偉世之器也昨日仲將又來懿性貞實文敏篤
誠保家之主也不意雙珠近出老蚌甚珍貴之魏文
帝與鍾繇書不損連城之價事詳四卷註禮記圭璋
特達郭璞詩圭璋雖特達呂延濟註特達美貌古詩
照乘有餘輝長楊賦選方疏俗殊鄰絕黨之域顏師
古註鄰邑也高士傳許由字武仲陽城槐里人也隱
於浦澤之中堯讓天下於許由由於是遁耕於中岳
穎水之陽箕山之下終身無經天下色許由沒葬箕
山之巔亦名許由山在陽城之南十餘里堯因就其
墓號曰箕山公神以配食五岳風期猶風度也註見
三卷列子魯有儒生自媒能治之管子自媒之女醜
而不信史記虞卿躡蹻擔簦徐廣曰簦長柄笠音登
笠有柄者謂之簦列仙傳東方朔者平原厭次人也
久在吳中為書師數十年武帝時上書說便宜拜為
郎至昭帝時時人或謂聖人或謂凡人作深淺默顯
之行或忠言或戲語莫知其旨至宣帝時初棄郎以
避世亂置憤官舍風飄之而去後見於會稽賣藥五

湖智者疑其歲星精也漢書脩視今丹墀孟康註丹
墀赤地也通典漢省中以朱漆地故謂之丹墀宋書
明光殿以胡粉塗壁畫古賢烈士以丹朱色地謂之
丹墀漢書密勿從事不敢告勞顏師古註密勿猶電
勉禮記王言如絲其出如綸鄭玄註言言出彌大也
綸今有秩裔夫所佩也孔穎達正義王言初出微細
如絲及其出行於外言更漸大如綸也言綸粗於絲
潘岳寡婦賦荷君子之惠渥劉良註荷恩惠之厚也
任昉詩經途不盈句謝靈運詩連榻設華茵張銑註
茵褥也酉陽雜俎舊言月中有桂西京賦要羨門乎
天路○墀音池
縮音支磷音鄰

贈溧陽宋少府陟唐時宣州有溧陽縣屬江南西道

李斯未相秦且逐東門兔宋玉事襄王能為高唐賦
嘗聞綠水曲忽此相逢遇掃灑青天開豁然披雲霧
歲蕤紫鸞鳥巢在崑山樹驚風西北吹飛落南溟去

早懷經濟策特受龍顏顧白玉棲青蠅君臣忽行路

人生感分義貴欲呈丹素何日清中原相期廓天步

李斯事見一卷擬恨賦註高唐賦見二卷註綠水曲見四卷註晉書尚書令衛瓘見樂廣而奇之命諸子造焉曰此人之水鏡見之瑩然若披雲霧而覩青天也子虛賦錯翡翠之歲蕤呂延濟註歲蕤羽毛貌鸞鳥見二卷註南溟南海也見八卷註青蠅見九卷註北史司馬子如傳子如初為懷朔鎮省事與齊神武相結託分義甚深劉璠傳我與府侯分義已定楊齊賢曰丹素心也左傳晉楚治兵遇於中原詩小雅天步艱難沈約法王寺碑因斯而運斗樞自茲而廓天步

戲贈鄭溧陽

鄭名晏為溧陽令與上篇宋少府

義女碑銘序

陶令日日醉不知五柳春素琴本無絃漉酒用葛巾

清風北窻下自謂義皇人何時到栗

一作里一見平

生親曰先生不知何許人不詳姓氏宅邊有五柳樹因以為號焉性嗜酒而家貧不能恒得親舊知其如此或置酒招之造飲輒盡期在必醉既醉而退曾不吝情去留為彭澤令解印綬去職賦歸去來江州刺史王弘欲識之不能致也潛常往廬山弘令潛故人龐通之齋酒具於半道栗里要之潛有脚疾使一門生二兒舉籃輿既至欣然便共飲酌俄頃弘至亦無忤也潛性不解音聲而畜素琴一張無絃每有酒適輒撫弄以寄其意郡將候潛值其酒熟取頭上葛巾漉酒畢還復著之嘗言五六月北窻下臥遇涼風暫至自謂是羲皇上人太平寰宇記栗里原在廬山南當澗有陶公醉石蘇武詩願子留斟酌敘此平生親任助詩何由乘此竹直見平生親

贈僧崖公

昔在朗陵東學禪白眉空大地了鏡微迴旋寄輪風

攬彼造化力持為我神通晚謁太山君親見日沒雲

中夜臥山月一作夜臥拂衣過人群授余金仙道曠

劫未始聞冥機發天光獨朗謝垢氛虛舟不繫物觀

化遊江濱江濱遇同聲道崖乃僧英說法動海岳遊

方化公卿手秉玉塵尾如登白樓亭微言注百川壘

壘信可聽一風鼓群有萬籟各自鳴啟閉八繆本作開七

窓牖託宿掣雷霆自言繆本作云歷天台搏壁躡翠屏凌

兢石橋去恍惚入青冥昔往今來歸絕景無不經何

日更攜手乘杯向蓬瀛元和郡縣志朗陵山在蔡州朗山縣西北三十里太平寰宇記朗陵故城漢為縣所治在今蔡州朗山縣西南三十五里晉武帝封何曾為朗陵公即此城也白眉

空疑是當時釋子之名猶禪宗所稱南泉願臨濟元
趙州諡之類楊註引蜀志馬良白眉事非矣了者了
然分明之意楞嚴經觀諸世間大地山河如鏡鑑明
來無所粘過無踪跡法苑珠林依華嚴經云三千大
千世界以無量因緣乃成且如大地依水輪水依風
輪風依空輪空無所依然眾生業感世界安住故智
度論云三千大千世界皆依風輪為基又新翻菩薩
藏經云諸佛如來成就就不思議智故而能行知諸風
雨相知世有大風名烏盧搏迦乃至眾生諸有覺受
皆由此風所搖動故此風輪量高三拘盧舍於此風
上虛空之中復有風起名風雲輪此風輪量高五拘
盧舍於此風上復有風起名風輪量高三拘盧舍於此
輪量高十踰繕那如是次第輪上六萬八千拘胝風
輪之相如來應正等覺依止大慧悉能了知維摩詰
經維摩詰即入三昧現神通力示諸大眾太山君至
太山之神也廣博物志東岳太山君領群神五千九
百人主治死生百鬼之至帥也太山君服青袍戴蒼
壁七稱之冠佩通陽太平之印乘青龍金光明經如
來之身金色微妙後世稱佛有金仙之號以此隋書
天地之外四維上下更有天地亦無終極然皆有成

有敗一成一敗謂之一劫楞嚴經我曠劫來心得無礙沈約千佛頌千覺俯應通叩冥機莊子宇泰定者發乎天光謝靈運詩兼抱濟物性而不縷垢氛李善註垢滓也氛氣也莊子汎若不繫之舟虛而遨遊者也魏書獨浩然任已同虛舟之不繫鮑照詩回風起江濱說文瀆水涯也周易同聲相應同氣相求沈約爲齊竟陵王解講疏肅萃僧英敬敷慧典傅亮文殊師利菩薩贊業化遊方罔識厥津晉書王衍妙善玄言唯談老莊爲事每執玉柄麈尾與手同色世說孫興公許京度共在白樓亭共商畧先往名達林公既非所關聽訖云二賢故自有才情劉孝標註會稽記曰白樓亭在山陰臨流映壑也水經註浙江又東北徑重山西山上有白樓亭亭本山下縣令殷即移置今處升陟遠望山湖滿目也微言已見前訪道安陵詩註中世說謝太傅未冠始出西詣王長史清言良久去後荀子問曰向客何如尊長史曰向客壘壘爲來逼人王中頭陀寺碑文行不捨之檀而施洽群有劉良註群有謂萬物韻會凡孔竅機括皆曰籟莊子籟則比竹是已孫綽天台賦跨穹隆之懸磴臨萬之自動者是已孫綽天台賦跨穹隆之懸磴臨萬

丈之絕冥踐莓苔之滑石搏壁立之翠屏李善註懸磴石橋也顧愷之啟蒙記註曰天台山石橋路徑不盈尺長數十步至滑下臨絕冥之澗翠屏石橋之懸渡有石屏風橫絕橋上邊有過徑裁容數人甘泉賦馳閫闔而入凌兢服虔註凌兢恐懼貌王逸九思增逝兮青冥註云青冥太清也法苑珠林宋京師有釋杯度者不知族姓名氏常乘木杯渡水因而爲目初見在冀州不修細行神力卓越世莫能測其由來嘗於北方寄宿一家家有一金像渡竊去家主覺而追之見渡徐行走馬逐而不及至孟津河浮木杯於水憑之而渡無假風棹輕疾如飛俄而渡岸達於京師

游溧陽北湖亭望瓦屋山懷古贈同旅一作贈孟浩然

○景定建康志瓦屋山在溧陽縣西北八十里周迴二十里高一百六十七丈山形連亘兩崖稍陡起宛如屋狀李白嘗游溧陽望瓦屋山懷古賦詩卽此地

朝登北湖亭遙望瓦屋山天清白露下始覺一作秋

風還遊子託主人仰觀眉睫間目一作色送飛鴻邈

然不可攀長吁相勸勉何事來吳闐聞有貞義女振

窮漂水灣清光了在眼白日如披顏高墳五六墩翠

兀栖猛虎遺跡翳九泉芳名動千古子胥昔乞食此

女傾壺漿運開展宿憤入楚鞭平王凜冽天地間聞

名若懷霜壯夫或未達十步九太行與君拂衣去萬

里同翱翔遊子數句言遊客仰觀主人辭色見其仰

至此地目色送飛鴻是暗用衛靈公仰視蜚雁色不

在孔子事已見四卷註越絕書子胥至漂陽界中見

一女子擊絮於瀨水之中子胥曰豈可得託食乎女

子曰諾即發簞飯清其壺漿而食之子胥食已而去

謂女子曰掩爾壺漿毋令之露女子曰諾子胥行五

步還顧女子自縱於瀨水之中而死一統志漂水在

應天府漂陽縣西北四十里一名瀨水蕭士贇曰棲

猛虎謂墳如猛虎之狀猶馬鬣封之謂也琦謂墳勢

翠兀有若猛虎是寫遙望中擬似之景耳以馬鬣封

為比恐未是據此詩真義女之墳唐時尚存當在瓦

屋山下今則不可考矣木華海賦吹炯九泉李善註

地有九重故曰九泉謝靈運詩道消結憤懣運開申

悲涼吳越春秋吳王入郢伍胥乃掘平王之墓出其

尸鞭之三百左足踐腹右手抉其目誦之曰誰使汝

用讒諛之口殺我父兄豈不冤哉傅咸神泉賦

六合蕭條嚴霜凜冽陸機文賦心懍懍以懷霜

醉後贈從甥高鎮

馬上相逢揖馬鞭客中相見客中憐欲邀擊筑悲歌

飲正值傾家無酒錢江東風光不借人枉殺落花空

自春黃金逐手快意盡昨日破產今朝貧丈夫何事

空嘯傲不如燒却頭上市君為進士不得進我被秋

霜生旅鬢時清不及英豪人三尺童兒唾蕭本作重廉蔣

匣中盤劍裝鰐魚閑在腰間未用渠且將換酒與君

醉醉歸託宿吳專繆本諸史記荆軻嗜酒日與狗屠

以往高漸離擊筑荆軻和而歌於市中相樂也已而

相泣旁若無人漢書陳萬年傳傾家自盡文獻通考

唐制取士之科有秀才有明經有進士有俊士太平

御覽南越志曰鰐魚南越謂之環雷魚長二丈其鱗

皮有珠文可以飾刀劍鞘者是也廉頗者趙之良將

以勇氣聞於諸侯將兵數有功封安平君藺相如亦

趙人趙王使奉和氏璧入秦卒完璧歸趙趙王以為

賢大夫使不辱於諸侯拜為上大夫又從趙王與秦

王會渾池歸國以相如功大拜為上卿位在廉頗之

右吳越春秋專諸堂邑人也伍胥之亡楚如吳時遇

之於途因相其貌確穎而深目虎膺而熊背展於從

難知其勇士陰而結之欲以

為用。鰐音鵠鱗與專同

贈秋浦柳少府唐時秋浦縣隸江南西道之池州

秋浦舊蕭索公庭人吏稀因君樹桃李此地忽芳菲

搖筆望白雲開簾當翠微時來引山月縱酒酣清輝

而我愛夫子淹留未忍歸樹桃李用潘岳事詳見後

翠微郭璞註近上旁坡邢昺疏謂未及頂上在旁

陀之處名翠微一說山氣青縹色故曰翠微也潛確

居類書凡山遠望之則翠近之則翠漸微故山色曰

翠微亦曰山腰漢書乃罷歷下守備縱酒顏師古註

縱放也放意而飲酒說文酣

酒樂也阮藉詩明月耀清輝

贈崔秋浦三首

吾愛崔秋浦宛然陶令風門前一作五楊柳井上一

一作栽

夾二梧桐山鳥下聽事簷花落酒中懷君未忍去惆
悵意無窮陶令五柳事已見本卷註元行恭詩惟餘
吟山鳥下翔北堂書鈔益部耆舊傳景放為益州太
守威恩洽暢有鳩巢於聽事胡三省通鑑註聽他經
翻聽受也中庭日聽事言受事察訟於是也漢晉皆
作聽事六朝以後始加丁作廳何遜詩燕子戲還飛
簷花落枕前
○聽音汀

其二

崔令學陶令一作君似北窓常晝眠抱琴時弄一作待秋

月取意任無絃見客但傾酒為官不愛錢東臯多種

黍勸爾早耕田一作東臯春事起種黍早歸田○北
窓臥無絃琴俱陶潛事已見本卷註

阮藉奏記方將耕於東臯之陽輪黍稷之稅以避
當塗之路張銑註東臯藉所居之東也澤畔曰臯

其三

河陽花作縣秋浦玉為人地逐名賢好風隨惠化春

水從天漢落山逼畫屏新應念金門客投沙弔楚臣

白帖潘岳為河陽令種桃李花人號曰河陽一縣花
庾信春賦河陽一縣併是花晉書裴楷風神高邁容
儀俊爽博涉群書特精義理時人謂之玉人又晉書
王蘊為竟陵太守有惠化百姓歌之楊齊賢曰水從
天漢落指九華山之瀑布也漢書賈誼為長沙王太
傅既以適去意不自得及度湘水為賦以弔屈原屈
原楚賢臣也被讒放逐作離騷賦遂自投江而死誼
追傷之因以自諭謝靈運詩投沙理既迫如叩願亦
愆投棄也謂棄之
於長沙正用誼事

望九華山蕭本缺贈青陽韋繆本作仲堪寰宇

記九華山在池州青陽縣南二十里舊名九子
山李白以九峯有如蓮花削成改為九華山因

有詩曰天河挂綠水秀出九芙蓉今山中有李白書堂其址存焉又按顧野王輿地志云其山上有九峰千仞壁立周圍二百里高一千丈出碧雞之類劉禹錫曰九華山在池州青陽縣西南九峰競秀神采奇異昔予仰太華以為此外無奇愛女几荆山以為此外無秀今見九華始悼前言之容易也元和郡縣志青陽縣西南至池州七十里本漢涇縣地天寶元年洪州都督徐輝奏於吳所立臨城縣南置屬宣州在青山之陽故名永泰二年隸池州

昔在九江上遙望

一作觀

九華峰天河挂綠水秀出

一作

山九芙蓉我欲一揮手誰人可相從君為東道主於

此臥雲松

郭璞山海經註九江在潯陽南江自潯陽而分為九皆東會於大江書曰九江孔殷

是也通典九江在潯陽郡之西北此詩所謂九江則指池州之江也以其承九江之下流故亦冒九江之稱左傳若舍鄭以為東道主

李太白文集卷十

李太白文集卷之十一

錢塘 王琦琢崖輯註

颶 葆光 復曾宗武較

古近體詩共三十二首

贈王判官時余歸隱居廬山屏風疊

一統志屏風疊在廬

山自五老峰而下九疊如屏游宦紀聞九疊屏風之下舊有太白書堂有詩曰吾非濟代人且隱屏風疊

昔別黃鶴樓蹉跎淮海秋俱飄零落葉各散洞庭流
中年不相見踳躅遊吳越何處我思君天台綠蘿月
會稽風月好却遶剡溪回雲山海上出人物鏡中來

一度浙江北十年醉楚臺荆門倒屈宋梁苑傾鄒枚
苦笑我誇誕知音安在哉大盜割鴻溝如風掃秋葉
吾非濟代人且隱屏風疊中夜天中望憶君思見君
明朝拂衣去永與海鷗群黃鶴樓見八卷註隋書揚州於禹貢為淮海之地說
文贈蹠失道也方輿勝覽天台山在台州天台縣西
一百十里藝文類聚名山畧記曰天台山在剡縣即
是眾聖所降葛仙公山也世說註會稽郡記曰會稽
郡多名山水峰嶠隆峻吐納雲霧松栝楓栢摧幹竦
條潭壑鏡徹清流瀉注王子敬見之曰山水之美使
人應接不暇太平寰宇記剡溪在越州剡縣南一百
五十步一源出天台縣一源出婺州武義縣即
王子猷雪夜訪戴逵之所也一名戴溪初學記輿地
志曰山陰南湖縈帶郊郭白水翠巖互相映發若鏡
若圖故王逸少曰山陰路上行如在鏡中遊夢梁錄
浙江在杭州東南謂之錢塘江內有浙山正居江中
潮水投山下曲折而行楚臺楚地之臺若章華陽雲

之類荆門謂荆州之地唐時為江陵郡今湖廣之荆
州府是也其地有荆門山故文士取以為稱梁苑古
睢陽之地唐時為宋州睢陽郡之宋城縣今河南歸
德州是也其地漢梁孝王之苑囿在焉故文士以梁
苑稱之屈原宋玉皆生於荆州鄒陽枚乘皆客梁孝
王引此以喻當時兩州之文士大盜指安祿山史記
項羽乃與漢王約中分天下割鴻溝而西者為漢鴻
溝而東者為楚應劭曰在滎陽東南二十里文穎曰
於滎陽下引河東南為鴻溝以通宋鄭陳蔡曹衛與
濟汝淮泗會於楚即今官渡水也十六國春秋盪平
殘胡如風掃葉海鷗用列子事見
二卷註。蹠音寸蹠音鄧剡音閱
在水軍宴贈幕府諸侍御永王軍中。漢書莫
軍職在征行無常處所在為治故言莫府也或
曰衛青征匈奴絕大莫大克獲帝就拜大將軍
於幕府中故曰莫府莫府之名始於此也顏師
古曰二說皆非也幕府者以軍幕為義古字通
單用耳軍旅無常居止故以帳幕言之廉頗李
牧市租皆入幕府此則非因衛青始有其號

月化五白一作龍翻飛凌九天胡沙驚北海電掃洛

陽川虜箭雨宮闕皇輿成播遷英王受廟畧秉鉞清

南邊雲旗卷海雪金戟羅江烟聚散百萬人弛張在

一賢霜臺降群彥水國奉戎旃繡服開宴語天人借

樓船如登黃金臺遙謁紫霞仙卷身編蓬下冥機四

十年寧知草間人腰下有龍泉浮雲在一決誓欲清

幽燕願與四座公靜談金匱篇齊心戴朝恩不惜微

軀捐所冀旄頭滅功成追魯連十六國春秋慕容熙

延年夢月化為五白龍夢中占之曰月臣也龍君也

月化為龍常有臣為君者後漢書電掃群孽風行巴

梁楚辭恐皇輿之敗績王逸註皇后也輿君之所乘

十六國春秋華夏大亂皇輿播遷梁書大齊聖主之

恩規上黨英王之然諾隋書親承廟畧遠振國威趙

次公杜詩註兵謀謂之廟畧蓋謀於七廟之中也詩

商頌有虔秉鉞東京賦雲旗拂霓薛綜註熊虎為旗

其高至雲故曰雲旗也禮記一張一弛文武之道也

漢書百萬之眾不如一賢霜臺御史臺也御史為風

霜之任故曰霜臺顏延年詩水國周地險謝朓辭隨

王嚴契闊戎旃從容讌語李周翰註戎兵也旃旌也

陳子昂詩昔君事胡馬予得奉戎旃國語飲酒宴語

相親也天人耶鄴淳美曹植語見五卷註樓船見四

卷註太平御覽燕昭王為郭隗築臺今在幽州燕王

故城中土人呼為賢士臺亦謂之招賢臺又謂之黃

金臺東方朔非有先生論積土為室編蓬為戶越絕

書歐冶子干將鑿茨山洩其溪取鐵英作為鐵劍三

枚一曰龍淵二曰太阿三曰工布龍泉即龍淵也唐

人避高祖諱改稱龍淵曰龍泉莊子說劍篇上決浮

雲下絕地紀史記紬史記石室金匱之書索隱曰石

室金匱皆國家藏書之處隋書經籍志有太公金匱

二卷後漢書蒙被朝恩負荷重任陸機詩不惜微軀

退漢書昂曰髦頭胡星也追魯連言將如魯

連功成身退不受爵賜而去也詳見二卷註

贈武十七諤

并序

門人武諤深於義

一作詩

者也質木沉悍慕要離之

風潛鈞川海不數數於世間事聞中原作難西來

訪余余愛子伯禽在魯許將冒胡兵以致之酒酣

感激援筆而贈

馬如一匹練明日過吳門乃是要離客西來欲報恩

笑開燕七首拂拭竟無言狄犬吠清洛天津成塞垣

愛子隔東魯空悲斷腸猿林回棄白壁千里阻同奔

君為我致之輕齋涉淮源精誠合天道不媿遠遊

一作

鄧攸

攸魂 藝文類聚韓詩外傳曰顏回望吳門馬見一匹練孔子曰馬也然則馬之光景一匹長耳故後

人呼馬為一匹要離事見五卷註史記燕太子丹預
 求天下之利匕首說文赤狄本犬種元和郡縣志洛
 水在河南府洛陽縣西南三里西自苑內上陽之南
 彌漫東流宇文愷作斜堤東令東北流潘岳藉田賦
 清洛濁渠引流激水天津洛水浮橋名已見二卷註
 後漢書天設山河秦築長城漢起塞垣所以別內外
 異殊俗也鮑照詩追虜窮塞垣張銑註塞垣長城也
 庾信五張寺經藏碑昔為畿服今成塞垣世說桓公
 入蜀至三峽中部伍中有得猿子者其母緣岸哀號
 行百餘里不去遂跳上船至便即絕破視其腹中腸
 皆寸寸斷公聞之怒命黜其人莊子林回棄千金之
 璧負赤子而趨或曰為其布歟赤子之布寡矣為其
 累歟赤子之累多矣棄千金之璧負赤子而趨何也
 林回曰彼以利合此以天屬也陸德明音義林回司
 馬云殷之逃民之姓名廣韻齋裝也玉篇齋行道所
 用也通志地理畧淮水源在唐州桐栢縣河南志淮
 濱在南陽府桐栢縣西二十五里源出胎簪山流經
 息陽確山真陽息縣固始會沂泗東入於海晉書鄧
 攸沒於石勒石勒過泗水攸乃斫壞車以牛馬負妻
 子而逃又遇賊掠其牛馬步走擔其兒及其弟子綏

李太白文集 卷十一
度不能兩全乃謂其妻曰吾弟早亡惟有一息理不可絕止應自棄我兒耳幸而得存我後當有子妻泣而從之其後妻不復孕卒以無嗣時人義而哀之為之語曰天道無知使鄧伯道無兒

贈閻邱宿松

唐時舒州有宿松縣屬淮南道

阮籍為太守乘驢上東平剖竹十日間一朝風化清
偶來拂衣去誰測主人情夫子理宿松浮雲知古城
掃地物莽然秋來百草生飛鳥還舊巢遷人逐躬耕
何慙宓子賤不減陶淵明吾知千載後却掩二賢名
世說註文士傳曰阮藉放誕有傲世情不樂仕宦晉文帝親愛藉恒與談戲任其所欲不迫以職事藉常從容言曰平生常游東平樂其土風願得為東平太守文帝悅從其意藉便騎驢徑到郡皆壞府舍諸壁鄭使內外相望教令清寧十餘日便復騎驢去謝靈運詩剖竹守滄海李善註漢書曰初與郡守為竹使

符說文曰符信剖置以竹分而復合呂延濟註凡為太守皆剖竹使符也家語宓不齊字子賤仕為單父宰有才智仁愛百姓不忍欺孔子美之南史陶潛字淵明為鎮軍建威參軍謂親朋曰聊欲絃歌以為三徑之資可乎執事者聞之以為彭澤令不以家累自隨公田悉令吏種秫稻妻子固請種粳乃使二頃五十畝種秫五十畝種粳○宓當作慮音服讀作密音者非

獄中上崔相渙

舊唐書崔渙傳天寶十五載七月玄宗幸蜀渙迎謁於路抗詞

忠懇皆究理體玄宗嘉之以為得渙晚即日拜黃門侍郎同中書門下平章事扈從成都肅宗靈武即位八月與左相韋見素同平章事房琯崔圓同賚冊赴行在時未復京師舉選路絕詔渙充江淮宣慰選補使以收遺逸惑於聽受為下吏所齮盪進者非一以不稱職聞乃罷知政事除左散騎常侍兼餘杭太守江東採訪使

胡馬渡洛水血流征戰場千門閉秋景萬姓危朝霜

賢相燮元氣再欣海縣康台庭有夔龍列宿粲成行

羽翼三元聖發輝兩太陽應念覆盆下雪泣拜天光

說文燮和也書周官論道經邦燮理陰陽十六國春秋海縣分裂天光分耀傅玄詩繁星依青天列宿自成行李周翰註列宿二十八宿也六韜王者帥師必有股肱羽翼以成神威元聖大聖也書湯誥肆求元聖三元聖謂玄宗肅宗廣平王也兩太陽亦謂玄宗肅宗也抱朴子是責三光不照覆盆之內也呂氏春秋吳起雪泣而應之高誘註雪拭也漢書夫日者衆陽之宗天光之貴東京賦登天光於扶桑呂向註天光日也

中丞宋公以吳兵三千赴河南軍次尋陽脫余

之囚參謀幕府因贈之

舊唐書天寶十五載六月以監察御史宋若思為御史中丞即其人也脫太白囚執事詳見二十六卷及三十一卷中唐時潯陽郡又謂之江

州隸江南西道

獨坐清天下專征出海隅九江皆渡虎三郡盡還珠

組練明秋浦樓船入郢都風高初選將月滿欲平胡

殺氣橫千里軍聲動九區白猿慙劍術黃石借兵符

戎虜行當剪鯨鯢立可誅自憐非劇孟何以佐良圖

獨坐謂御史中丞與司隸校尉尚書令會同得專席而坐也詳見十卷註後漢書范滂為清詔使登車攬轡慨然有澄清天下之志春秋元命苞賜弓矢得專征賜斧鉞得誅白虎通好惡無私執意不傾賜以弓矢使得專征後漢書宋均遷九江太守郡多虎暴數為民患常募設檻穽在水各有所托今為民害咎在殘夫虎豹在山籠躡在水各有所托今為民害咎在殘吏而勞動張捕非憂恤之本也其務退奸貪思進忠善可一去檻穽除削課制其後傳言虎相與東游渡江孟嘗遷合浦太守郡不產穀實而海出珠寶與交

趾比境常通商販買糴糧食先時宰守並多貪穢詭
 人探求不知紀極珠遂漸徙於交趾郡界於是行旅
 不至人物無資貧者死餓於道嘗到官革易前獎求
 民病利曾未歲餘去珠復還百姓皆反其業商貨流
 通稱為神明左傳使鄧廖帥組甲三百被練三千以
 侵吳杜預註組甲被練皆戰備也組甲漆甲成組文
 被練練袍賈逵曰組甲以組綴甲車士服之被練帛
 也以帛綴甲步卒服之史記江陵故郢都西通巫巴
 東有雲夢之饒漢書地理志南郡江陵故楚郢都楚
 文王自丹陽徙此北史遼將練兵羸糧聚甲隋書突
 厥侯月將滿輒為寇鈔劉淵林三都賦註吳越春秋
 越有處女將北出於南林之中越王使使聘問以劍載之
 事處女將北見於越王道逢老翁自稱袁公問處女
 吾聞子善為劍術願一觀之女口妾不敢有所隱惟
 公試之於是袁公即跳於林竹梢折墮地處女即接
 末袁公操本以刺處女女應節入三入因舉杖擊之
 袁公即飛上樹化為白猿遂引去李嶠詩絳營韜將
 畧黃石請兵符史記如姬盜晉鄙兵符與公子孔穎
 達左傳正義節為兵符秋浦樓船九區
 黃石鯨鯢劇孟俱已見前註○郢音穎

流夜郎贈辛判官

昔在長安醉花柳五侯七貴同杯酒氣岸遙凌豪士

前風流肯落他一作誰人後夫子紅顏我少年章臺

走馬著金鞭文章獻納麒麟殿歌舞淹留玳瑁筵與

君自謂長如此寧知草動風塵起函谷忽驚胡馬來

秦宮桃李向明繆本作胡開我愁遠謫夜郎去何日金雞

放赦回音曲陽侯王根高平侯王逢時並以元后弟

同日受封京師號曰五侯並奢豪富後招賢下士谷

永樓護皆為貴客潘岳西征賦窺七貴於漢庭李善

註七貴謂呂霍上官趙丁傅王也梁書氣岸疎凝情

孟康註在長安中臣瓚曰章臺下街也初學記三輔

黃圖曰未央宮東有麒麟殿藏秘書即揚雄校書之

處也宋之問詩歌舞淹留景欲斜石闕猶駐五雲車
 劉楨瓜賦布象牙之席薰玳瑁之筵後漢書設後北
 虜稍強能為風塵章懷太子註相侵擾則風塵起張
 駿薤露行三方風塵起檢狢竊上京函谷見二卷五
 卷註蕭士贊曰子見以桃李向明開為公卿歸祿山
 非也是指同時儕類因兵興之際不次被用為人桃
 李我獨遭謫也向明者向陽花木之義輿地廣記唐
 貞觀十六年開山洞置夜郎縣為珍州治李白流夜
 郎卽此唐書地理志貞觀十六年開山洞置珍州并
 置夜郎麗阜樂源三縣後為夜郎郡隸黔中道元和
 二年州廢地改屬溱州舊唐書凡國有赦宥之事先
 集囚徒於闕下命衛尉樹金雞待宣制訖乃釋之

使者之類耳

東平劉公幹南國秀餘芳一鳴卽朱紱五十佩銀章
 飲冰事戎幕衣錦華水鄉銅官幾萬人諍訟清玉堂

吐言貴珠玉落筆迴風霜而我謝明王銜哀投夜郎

歸家酒債多門客粲成行高談滿四座一日傾千觴

所求竟無緒裘馬欲擢藏主人若不顧明發釣滄浪

三國志東平劉楨字公幹太祖辟為丞相掾屬著文
 賦數十篇史記不鳴則已一鳴驚人易乾鑿度天子
 三公九卿朱紱諸侯赤紱廣雅紱紱也漢書韋賢傳
 韠衣朱紱四牡龍旗顏師古註朱紱為朱裳畫為亞
 文也亞古弗字也故因謂之紱漢書百官公卿表凡
 吏秩比二千石以上皆銀印青綬顏師古註漢舊儀
 云銀印背龜鈕其文曰某官之章也宋書
 銀章青綬莊子今吾朝受命而夕飲冰陸機詩子固
 水鄉士李善註水鄉謂吳也唐書地理志宣州南陵
 縣武德四年隸池州廢來屬後析置義安縣又廢
 義安為銅官冶孔叢子吐言則天下之士莫不屬耳
 目世說註神猶淵鏡言必珠玉西京雜記淮南王安
 著鴻烈二十一篇自云字中皆挾風霜左傳投諸四
 裔以禦魘魅杜預註投棄也孔融詩歸家酒債多門

客粲成行晉書肆一醉於崇朝飛千觴於長夜成公
綏嘯賦悲傷摧藏李善註摧藏自抑挫之貌明發猶
明晨也詳見二
卷註○欲音拂

贈常侍御

安石在東山無心濟天下一起振橫流功成復瀟灑

大賢有卷舒繆本作舒卷季葉輕風雅匡復屬何人君為

知音者傳聞武安將氣振長平瓦燕趙期洗清周秦

保宗社登朝若有言為訪南遷賈傅亮修張良廟教夷項定漢大拯橫

流呂向註橫流謂亂也淮南子盈縮卷施與時變化蕭士贊曰葉世也季葉猶季世也孔融論盛孝章書惟公匡復漢室史記趙奢傳秦軍武安西秦軍鼓譟勒兵武安屋瓦盡振後奢子括長平之戰無振瓦事而庾信哀江南賦云碎於長平之瓦周書云瓦震長平則趙分為二兵出函谷則韓裂為三未詳本何

書太白此句蓋承二書之說而云耳不本史記也又武安將似指白起以起封武安君故也取以喻時之將帥燕趙皆為祿山所據故期其洗清周地謂洛陽在唐為東京秦地謂長安在唐為西京宗廟社稷在焉故欲其保護安石東山事詳見七卷註賈誼南遷事詳見十卷註

贈易秀才

少年解長劍投贈即分離何不斷犀象精光暗往時

蹉跎君自惜竄逐我因誰地遠虞翻老秋深宋玉悲

空摧芳桂色不屆古松姿感激平生意勞歌寄此辭

步光之劍陸斷犀象見四卷註吳志虞翻性疏直數有酒失孫權積怒非一遂徙翻交州雖處罪放而講學不倦門徒常數百人在南十餘年年七十卒宋玉九辯悲哉秋之為氣也

經亂離後天恩流夜郎憶舊遊書懷贈江夏韋

太守良宰

唐時江夏郡乃鄂州也屬江南西道按方輿勝覽以贈此詩之韋太守為

韋景駿未
知何據

天上白玉京十二樓五城仙人撫我頂結髮受長生
誤逐世間樂頗窮理亂情九十六聖君浮雲挂空名
天地賭一擲未能忘戰爭試涉霸王畧將期軒冕榮
時命乃大謬棄之海上行學劍翻自哂為文竟何成
劍非萬人敵文竊四海聲兒戲不足道五噫出西京
臨當欲去時慷慨淚沾纓嘆君側儻才標舉冠群英
開筵引祖帳慰此遠徂征鞍馬若浮雲送余驃騎亭
歌鐘不盡意白日落昆明五星經天上白玉京黃金
闕抱朴子崑崙山上有五

城十二樓應劭漢書註昆侖五城十二樓仙人
之所常居楊齊賢曰自秦始皇至唐玄宗中國傳緒
之君凡九十有六華陽國志陳登曰雄姿傑出有霸
王之畧吾敬劉玄德莊子古之所謂隱士者非伏其
身而勿見也非閉其言而不出也非藏其知而不廢
也時命大謬也非閉其言而不出也非藏其知而不廢
不成項梁怒之籍曰書足以記名姓而已劍一人敵
不足學學萬人敵後漢書梁鴻因東出關過京師作
五噫之歌曰步彼北芒兮噫顧覽帝京兮噫宮室崔
嵬兮噫人之劬勞兮噫遠未央兮噫肅宗聞而非
之求鴻不得乃易姓運期名耀字侯光與妻子居齊
魯之間晉書彬藻思緯冠群英祖帳祖席時所設
之帳幕杜審言詩祖帳連河關軍麾動洛城陸機詩
牽世纓時網駕言遠徂征驃騎亭玩詩意當在長安
楊註以驃騎亭為謝安建者恐誤國語女樂二八歌
鐘二肆三輔黃圖漢昆明池武帝元狩四年穿在長
安西南周圍四十里西南夷傳曰天子遣使求身毒
國市竹而為昆明所閉天子欲伐之越雋昆明國有
滇池方三百里故作昆明池以象之以習水戰因名
曰昆明池三輔舊事曰昆明池地三百三十二頃圖

曰上林苑有昆明池周圍四十里陝西通志見明池在西安府城西南三十里十月到幽州

戈鋌若羅星君王棄北海掃地借長鯨呼吸走百川

燕然可摧傾心知不得語一作却欲棲蓬瀛彎弧懼

天狼挾矢不敢張攬涕黃金臺呼天哭昭王無人貴

駿骨綠耳空騰驤樂毅儻再生于今亦奔亡蹉跎一作

蒼不得意驅馬過蕭本貴鄉逢君聽絃歌肅穆坐華

堂百里獨太古陶然臥羲皇微樂昌樂館開筵列壺

觴賢豪間青娥對燭儼成行醉舞紛綺席清歌繞飛

梁歡娛未終朝秩滿一作歸咸陽祖道擁萬人供帳

遙相望一別隔千里榮枯異炎涼東都賦元戎竟野

小矛也揚雄羽獵賦煥若天星之羅張鏡註言如天星之羅列也陳琳瑪瑙勒賦駢居列峙煥若羅星按

唐書安祿山傳天寶元年以祿山為平盧節度使押

兩番渤海黑水四府經畧使三載代裴寬為范陽節

度仍領平盧軍則經畧威武清夷靜塞恒陽北平高

陽唐興橫海平盧龍十一軍及榆關守捉安東都

護府兵十三萬有奇皆其所統幽薊嬭檀易恒定漠

滄營平十一州之地皆其所治矣幽州以北盡與祿

山所謂君王棄北海掃地借長鯨也宋書彎弧躍馬

務是畋遊楚辭挾長矢兮射天狼王逸註天狼星名

以喻貪殘又楚辭思美人兮擘涕而泣天狼星名

隗對燕昭王曰古之人君有以千金求千里馬者三

年不能得涓人言於君曰請求之君遣之三月得干

里馬馬已死買其骨五百金反以報君君大怒曰安

事死馬而捐五百金涓人對曰死馬且買五百金况

生馬乎天下必以君能市馬馬今至矣於是不能期

年千里馬之至者三今王誠欲致士先從隗始於是

心忠讜息義三國志註遂集矢帝子許專征秉旄控

石於其宮殿而二京為之邱墟強楚節制非桓文軍師擁熊虎人心失去就賊勢騰

風雨惟君固房陵誠節冠終古僕臥香爐頂淩霞噉

瑤泉門開九江轉枕下五湖連半夜水軍來尋陽滿

旌旄空名適自誤迫脅上樓船徒賜五百金棄之若

浮烟辭官不受賞翻謫夜郎天夜郎萬里道西上令

人老掃蕩六合清仍為負霜草日月無偏照何由訴

蒼昊良牧稱神明深仁恤交道王勃龍懷寺碑蜀王

專征梁書授以上將任以專征書牧警王左杖黃鉞

右秉白旄以麾庾信詩置酒仍開幕麾軍即秉旄說

文控引也荀子秦之鏡士不可以敵桓文之節制矣尚

書至於齊桓晉文之兵可謂入其域而有節制矣尚

書如虎如豹如熊如罷後漢書岑彭傳晨夜倍道兼

行二千餘里徑拔武陽使精騎馳廣都去成都數十

里勢若風雨所至皆奔散唐時房陵郡屬山南東道

即房州也劉孝標世說註終古往古也遠法師廬山

記東南有香爐山孤峰秀起游氣籠其上則氤氳若

香烟白雲映其外則炳然與眾峰殊別又記云眾嶺

中第三嶺極高峻太史公東遊登其峯而遐觀南眺

五湖北望九江東西肆目若陟天庭焉嵇康詩豈若

翔區外食瓊漱朝霞陶潛詩於我若浮烟元和郡縣

志夜郎西北至上都五千五百五十里曰萬里者甚

言其遠也徐幹詩峩峩高山首悠悠萬里道君去日

已遠鬱結令人老十六國春秋掃蕩萬里今其時也

禮記日月無私照北史崔士謙授江陵總管荆州刺

史外禦強敵內撫軍人風化大行號稱良牧漢書班

伯為定襄太守郡一忝青雲客三登黃鶴樓顧慙禰

中震慄咸稱神明一作山霸氣盡寥落天地秋一作

處士虛對鸚鵡洲一作山霸氣盡寥落天地秋一作

形襟冠白筆江帶峨眉雪川橫一作三峽流萬舸此

爽氣凌清秋一作三峽流萬舸此

中來連帆過揚州送此萬里目曠然散我一作愁紗

窓倚天開水樹綠一作綠樹如髮窺日一作光畏銜山促酒

喜得一作見月吳娃與越艷窈窕誇鉛紅呼來上雲梯

含笑出簾櫳對客小垂手羅衣舞春風賓跪請休息

主人情未極覽君荆山作江鮑堪動色清水出芙蓉

天然去雕飾逸興橫素襟無時不招尋朱門一作施擁

虎士列戟何森森剪鑿竹石開縈流漲清深登樓一作

臺坐一作入水閣吐論多英一作奇音片辭貴白壁一諾

輕黃金謂我不媿君青鳥一作鸞明一作蕭本丹心見八卷

註昭明文選爾衡鸚鵡賦序黃祖太子射賓客大會
有獻鸚鵡者舉酒於衡前曰爾處士今日無用娛賓

竊以此鳥自遠而至明慧聰善羽族之可貴願先生

為之賦使四座咸共榮觀不亦可乎衡因為賦筆不

停綴文不加點太平寰宇記鸚鵡洲在大江東江夏

縣西南二里西過此洲從北頭七十步大江中流與

漢陽縣分界後漢書云黃祖為江夏太守時祖長子

射大會賓客有獻鸚鵡於此洲故得名元和郡縣志

樊山在鄂州武昌縣西三里謝靈運詩曰鈞臺臨講

閣樊山開廣宴謂此也太平御覽江夏圖經云樊山

西陸路去州一百七十三里出紫石英山東數十步

有岡岡上甚平敞青松綠竹常自蔚然其下有寒溪

夏時爽然常有寒氣故謂之寒溪有蟠龍石王勃江

寧餞宴序霸氣盡而江山空皇風清而市朝改三峽

記峨嵋積雪經時不散峨嵋山乃岷山之一支也峰

巒高峻上極寒冷冬春積雪雖經風日不能消釋入

夏始得融泮流入岷江經三峽而下清流為之變色

胡三省通鑑註江水自巴東至夷陵其間有廣溪峽

巫峽西陵峽謂之三峽一日三峽西峽歸峽巫峽七

里自京口以西皆不及李太白贈江夏韋太守詩曰
萬舸此中來連帆過揚州蓋此地自唐為衝要之地
王勃採蓮賦吳娃越艷鄭婉秦妍說文吳楚之間謂
好曰娃後漢書入則亂髮壞形出則窈窕作態章懷
太子諡窈窕妖冶之貌也方言美心為窈窕狀為窈
錙粉也紅朱也謝惠連詩升月照簾櫳李周翰註櫳
窻也說文櫳房室之疏也樂府雜錄舞者樂之容也
有大垂手小垂手皆言舞而垂其手也吳均曲云垂手忽
迢迢飛燕掌中嬌羅衫恣風引輕帶有情搖又云舞
女出西秦躡影舞陽春且復小垂手廣袖拂紅塵禮
記容跪撫席而辭江鮑江淹鮑照也鍾磬詩品謝詩
如芙蓉出水江淹詩敢不自彫飾王僧達詩清氣溢
素襟虎士出周禮已見八卷註中華古今註載以木
為之後世刻為無復典型赤油韜之亦謂之迪載亦
謂之榮載王公以下通用以為前驅唐五品以上皆
施榮載於門唐書百官志凡載一品之門十六二品
及京北河南太原尹大都督大都護之門十四三品
及上都督中都督上都護上州之門十二下都督下
都護中州下州之門各十衣幘壞者五歲一易之薨

卒者既葬追還漢紀季布立然諾之信時人為之語
曰得黃金百鎰不如季布一諾阮藉詩誰言不可見
青鳥明我心宋書重披丹心冒昧以請○彌乃里五
切音你或作祧音讀者誤舸音歌又音哥娃音蛙五
色雲間鵲飛鳴天上來傳聞赦書至却放夜郎迴暖
氣變寒谷炎烟生死灰君登鳳池去勿蕭本作忽棄賈生
才桀犬尚吠堯匈奴笑千秋中夜四五嘆常為大國
憂旌旆夾兩山黃河當中流連雞不得進飲馬空夷
猶安得弄善射一箭落旄頭歲華紀麗劉向別錄曰燕地寒谷不生五穀鄒
衍吹律呂以暖之溫風至五穀生因名黍谷史記韓
安國坐法抵罪蒙獄吏田甲辱安國安國曰死灰獨
不復然乎田甲曰然即溺之居無何梁內史闕漢使
使者拜安國為梁內史起徒中為二千石通典魏晉
以來中書監令掌贊詔命記會時事典作文書以其
地在樞近多承寵任是以人固其位謂之鳳凰池焉

史記桀之犬可使吠堯漢書車千秋無他材能學術
又無伐闕功勞特以一言悟至旬月取宰相封侯世
未嘗有也後漢使者至匈奴單于問曰聞漢新拜丞
相何用得之使者曰以上書言事故單于曰苟如是
漢置丞相非用賢也妄一男子上書即得之矣左傳
今王室實蠢蠢焉吾小國懼矣然大國之憂也戰國
策諸侯不可一猶連雞之不能俱止於栖亦明矣左
傳將飲馬於河而歸楚辭君不行兮夷猶王逸註夷
猶猶豫也桀犬喻賊將若史思明輩千秋喻宰相若
苗晉卿王與輩兩山太華山首陽山夾黃河之二山
也連雞喻當時諸節度使
輩漢書昂曰旄頭胡星也

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘
仙郎久爲別客舍問何如涸轍思流水浮雲失舊居
多慙華省貴不以逐臣疎復如竹林下而蕭本作叨陪芳

宴初希君生羽翼一化北溟魚

鳳皇啣詔事已見五卷註潛確居類書天

子所居曰禁以丹塗壁故曰丹禁亦曰紫禁元和郡縣志武都有紫水泥亦紫漢朝封蠶書用紫泥即此水之泥也三湘詳見悲清秋賦註莊子周昨來有中道而呼者周顧視車轍中有鮐魚焉曰我東海之波臣也君豈有升斗之水而活我哉潘岳秋興賦獨展轉乎華省晉書阮咸任達不拘與叔父籍爲竹林之遊北溟有魚其名爲鯨鯨詳見大鵬賦註

博平

蕭本作晉

鄭太守自廬山千里相尋入江夏北

市門見訪却之武陵立馬贈別

唐時博平郡即博州也隸河北

道武陵郡即朗州也隸山南東道元和郡縣志廬山在江州潯陽縣東三十二里本名鄱山昔有匡俗字子孝隱淪景廬於此山漢武帝拜爲大明公俗號廬君故山取號周環五百餘里
大梁貴公子氣蓋蒼梧雲若無三千客誰道信陵君

救趙復存魏英威天下聞邯鄲能屈節訪博從毛薛
夷門得隱淪而與侯生親仍要鼓刀者乃是袖鎚人
好士不盡心何能保其身多君重然諾意氣遙相託
五馬入市門金鞍照城郭都忘虎竹貴且與荷衣樂
去去桃花源何時見歸軒相思無終極腸斷朗江一
陵歸藏曰有白雲出自蒼梧入於大梁史記信陵
君傳公子畱趙聞趙有處士毛公藏於博徒薛
公藏於賣漿家公子欲見兩人兩人自匿不肯見公
子聞所在乃閒步往從此兩人游甚歡公子畱趙十
年不歸秦日夜出兵東伐魏魏王患之使使往請公
子公子恐其怒之誠門下有敢為魏王使通者死毛
公薛公往見公子曰秦攻魏魏急而公子不恤使秦
破大梁而夷先王之宗廟公子當何面目立天下乎
語未及卒公子立變色告車趣駕歸救魏魏王以上
將軍印授公子公子率五國之兵破秦軍於河外乘

勝逐秦軍至函谷關秦兵不敢出當是時公子威振
天下其用夷門隱士侯生策使朱亥袖鐵椎殺晉
鄙奪其軍進擊秦兵以救邯鄲存趙事詳見三卷註
江淹詩延陵輕寶劍季布重然諾五馬見六卷註梁
簡文帝詩金鞍照龍馬虎竹見五卷註楚辭荷衣兮
蕙帶桃花源在武陵詳見二卷註梁昭明太子詩相
思無終極長夜起嘆息方輿勝覽助水在常德府武
陵縣其水西南自辰錦州入郡界經郡城入大江謂
之朗江

江上贈竇長史

長史已見
七卷註

漢求季布魯朱家楚逐伍胥去章華萬里南遷夜郎
國三年歸及長風沙聞道青雲貴公子錦帆游戲
本作西江水人疑天上坐樓船水淨霞明兩重綺相約
相期何太深棹歌搖艇月中尋不同珠履三千客別

欲論交一片心史記季布為氣任俠有名於楚項籍使將兵數窘漢王及項羽滅高祖購求布千金敢有舍匿罪及三族季布匿濮陽周氏曰漢購將軍急迹且至臣家將軍能聽臣敢獻計即不能願先自到季布許之乃髡季布衣褐衣置廣柳車中并與其家僮數十人之魯朱家所賣之朱家心知是季布乃買而置之田誠其子曰田事聽此奴必與同食朱家乃乘輅車之洛陽見汝陰侯滕公滕公心知朱家大俠意季布匿其所待間果言如朱家指上乃赦季布又史記楚平王囚伍奢而名其二子伍尚遂歸伍胥彎弓屬矢出見使者曰父有何罪以名其子為將射使者還走遂出奔吳章華臺詳見一卷註臺在楚地伍胥自楚山奔故曰去章華也華陽國志夜郎郡夜郎國也屬縣二千戶楊齊賢曰池州雁汊下八十里有長風沙江南通志長風沙在安慶府東六十里李白泊此作長干行陰鏗詩平湖錦帆張南史樊猛領青龍八十艘為水軍於白下游夾以禦隋六合兵湖廣通志西江水在安陸府景陵縣境乃襄江之一派沈佺期詩人疑天上坐魚似鏡中懸西京賦齊槐女縱棹歌李善註棹歌引棹而歌

也說文艇小舟也史記春申君客三千餘人其上客皆躡珠履

贈王漢陽唐沔州漢陽郡有漢陽縣屬江南西道

天落白一作上墮玉棺王喬辭葉蕭本作縣一去未千年

漢陽復相見猶乘飛鳧尚識仙人面鬢髮何青青

童顏皎如練吾曾弄海水清淺嗟三變果愜麻姑言

時光速流電與君數杯酒可以窮歡宴白雲歸去來

何事坐交戰後漢書王喬者河東人顯宗世為葉令喬有神術每月朔望常自縣詣臺朝帝

怪其來數而不見車騎密令太史伺望之言其臨至輒有雙鳧從東南飛來於是候鳧至舉羅張之但得一雙鳥焉乃詣上方詠視則四年中所賜尚書官屬履也後天下玉棺於堂前吏人推排終不動搖喬曰天帝獨召我耶乃沐浴服飾寢其中蓋便立覆宿昔葬於城東土自成墳其夕縣中牛皆流汗喘乏而人

無知者百姓乃為立廟號葉君祠神仙傳麻姑云接待以來見東海三為桑田向到蓬萊水又淺於往日陶潛詩一生復能幾條如飛電驚又貧富常交戰道勝無感顏。愜音怯

贈漢陽輔錄事二首

唐時刺史屬官司馬之下有錄事參軍事上州者從七品中州者正八品下州者從八品有錄事皆從九品每縣亦有錄事在丞尉之下則流外官也

聞君罷官意我抱漢川湄借問久疎索何如聽訟時

天清江月白心靜海鷗知應念投沙客空餘弔屈悲

風俗通賈誼為長沙太傅既之官內不自得及渡湘水投弔書曰闕茸尊顯佞諛得志以哀屈原離讒邪之咎亦因自傷為鄧通等所慙也投沙詳見十卷贈崔秋浦第三首註

其二

鸚鵡洲橫漢陽渡水引寒烟沒江樹南浦登樓不見

君君今罷官在何處漢口雙魚白錦鱗令傳尺素報

情人其中字數無蕭本多少祇是相思秋復春潛確居類

書鸚鵡洲在湖廣漢陽渡之上禰衡嘗作鸚鵡賦後埋玉於此故名洲雖跨漢江而尾連黃鶴磯故圖經屬武昌郡云秋水漲盛時隱沒不見至水落乃出一統志漢陽渡在漢陽府城東南浦在武昌府城南三里漢口在大別山北即漢水與滢水合流入江處胡三省通鑑註漢口漢水入江之口其地在鄂州漢陽縣東大別山下楊升菴曰古樂府尺素如殘雪結成雙鯉魚要知心裏事看取腹中書據此詩古人尺素結為鯉魚形即緘也文選客從遠方來遺我雙鯉魚即此事也下云呼兒烹鯉魚中有尺素書亦譬況之言非真烹也五臣及劉履謂古人多於魚腹寄書引陳涉羣魚倡禍事證之何異痴人說夢

江夏贈韋南陵冰

唐宣城郡有南陵縣隸江南西道

胡騎馬驚沙塵起胡籬繆本作騶飲馬天津水君為張掖

近酒泉我窟三巴九千里天地再新法令寬夜郎遷

客帶霜寒西憶故人不可見東風吹夢到長安寧期

此地忽相遇驚喜茫如墮烟霧玉簫金管喧四筵苦

心不得申長一作句昨日繡衣傾綠樽病如桃李竟

何言昔騎天子大宛馬今乘欸段諸侯門賴遇南平

豁方寸復兼夫子持清論有似山開萬里雲四望青

天解人悶人悶還心悶苦辛長苦辛愁來飲酒二千

石寒灰重暖生陽春山公醉後能騎馬別是風流賢

主人頭陀雲月多僧氣山水何曾稱人意不然一作能

鳴笳按鼓戲滄流呼取江南女兒歌棹謳我且為君

槌碎黃鶴樓君亦為吾倒却鸚鵡洲赤壁爭雄如夢

裏且須歌舞寬離憂漢書孝惠高后時冒頓驕驕矜傲之意晉書石勒年十四隨

邑人行販洛陽倚嘯上東門王衍見而異之顧謂左

右曰向者胡雛吾觀其聲視有奇志恐將為天下之

患馳遺收之會勒已去漢書任夫鳴謗於東崖匈奴

飲馬於渭水唐時張掖郡甘州也酒泉郡肅州也俱

屬隴右道通典張掖郡西到酒泉郡四百二十里三

巴詳見四卷註太白離流夜郎然甫至三巴而遇赦

故曰我窟三巴九千里江淹恨賦遷客海上漢書百

官公卿表侍御史有繡衣直指出討奸猾治大獄顏

師古註衣以繡者尊寵之也沈約詩憂來命綠樽漢

書秘李不言下自成蹊史記大宛多善馬馬汗血言

其先天子也後漢書乘下澤車御欸段馬章懷太

子註欸猶緩也言形段遲緩也南平謂南平太守李

之遙也開雲望青天用衛瓘美樂廣語已見八卷註

事見五卷註楊齊賢曰頭陀寺在鄂州宋大明五年
建天竺言頭陀此言抖擻抖擻煩惱也元和郡縣志
頭陀寺在鄂州江夏縣東南二里陸放翁入蜀記頭
陀寺在鄂州城之東隅石城山方輿勝覽頭陀寺在
黃鶴山上自南齊王巾作碑遂為古今名刹謝靈運
詩鳴笳發春渚李周翰註笳簫也楚辭賦鐘按鼓造
新歌些劉良註按猶擊也蜀都賦吹洞簫發棹謳劉
淵林註棹謳鼓棹而歌也黃鶴樓見八卷註鸚鵡洲
見前首註華陽國志孫權遣周瑜程普水軍三萬助
先王拒曹公大破公軍於赤壁焚其舟船曹公引歸
楊齊賢曰赤壁磯與百人山
對峙在今鄂州上流八十里

贈盧司戶

秋色無遠近出門盡寒山白雲遙相識待我蒼梧間
借問盧耽鶴西飛幾歲還水經註鄧德明南康記曰
昔有盧耽仕州為台中少
棲仙術善解雲飛每夕輒凌虛歸家曉則還州嘗於
元會至朝不及朝列化為白鶴至閣前回翔欲下威

儀以石鄴之得一隻履耽驚
還就列內外左右莫不駭異

贈從弟南平太守之遙二首

唐時南平郡即渝
州也先名巴郡天

寶元年更名
隸劍南道

少年不得

繆本作

意落魄

繆本作

無安居願隨任公子欲

釣吞舟魚常時飲酒逐風景壯心遂與功名疎蘭生
谷底人不鋤雲在高山空卷舒漢家天子馳駟馬赤
車蜀道迎相如天門九重謁聖人龍顏一解四海春
彤庭左右呼萬歲拜賀明王收沉淪翰林秉筆迴英
盼麟閣崢嶸誰可見承恩初入銀臺門一作侍從
甘泉宮著
書獨在金鑾殿龍駒雕鏤白玉鞍象牀綺席一作
食黃

金盤當時笑我微賤者却來請謁為交歡一朝謝病
游江海疇昔相知幾人在前門長揖後門關今日結
交明日改愛君山嶽心不移隨君雲霧迷所為夢得
池塘生春草使我長價登樓詩別後遙傳臨海作可
見羊何共和之史記酈生家貧落魄無以為衣食業莊子任公子投竿東海釣得大魚見
大鵬賦註三國志芳蘭生門不得不鋤司馬相如赤
車駟馬事見四卷註鄭玄禮記註天子九門路門也
應門也雉門也庫門也臯門也城門也近郊門也遠
郊門也關門也列子夫子始一解頰而笑形庭天子
之庭以朱漆飾之也詳見明堂賦註夢溪筆談唐翰
林院在禁中乃人主燕居之所玉堂承明金鑾殿皆
在其間應供奉之人自學士以下工伎群官司隸籍
其間皆稱翰林如今之翰林醫官翰林待詔之類是
也謝朓詩俯仰流英盼初學記漢西京未央宮中有
麟閣亦藏秘書即揚雄校書之處也石林燕語唐翰

林院在銀臺門之北玉海兩京記大明宮紫宸殿北
曰蓬萊殿其西曰還周殿還周西北口金鑾殿殿旁
坡名金鑾坡又云金鑾殿在蓬萊正西微南徐陵詩
白馬號龍駒吳均詩白玉鏤衢鞍綺席見十一卷註
疇昔前日也見九卷註三國志由夷逸操山岳不移
南史謝惠連年十歲能屬文族兄靈運嘉賞之云每
有篇章對惠連輒得佳語嘗於永嘉西堂思詩竟日
不就忽夢見惠連即得池塘生春草大以為工嘗曰
此語有神助非吾語也按池塘生春草句乃靈運登
池上樓詩故曰長價登樓詩靈運又有登臨海嶠初
發彊中作與從弟惠連可見羊何共和之詩一首臨
海晉時郡名即今台州也羊何謂泰山羊璿之東海
何長瑜與靈運惠連以文章賞會共
為山澤之遊○錄丁鄧切登上聲

其二

東平與南平今古兩步兵素心愛美酒不是顧專城
謫官桃源去尋花幾處行秦人如舊識出戶笑相迎

太白自註南平時因飲酒過度貶武陵李善文選註
臧榮緒晉書曰阮籍拜東平相不以政事為務沉醉
日多晉書阮籍聞步兵厨人善釀有貯酒三百斛乃
求為步兵校尉江淹詩素心正如此李善註素本也
專城謂縣令得專一城政事者也古陌上桑詞三
十侍中郎四十專城居桃源在武陵詳見二卷註

贈潘侍御論錢少陽

繡衣柱史何昂藏鐵冠白筆橫秋霜三軍論事多引

納堦前虎士羅千將雖無二十五老者且有一翁錢

少陽眉如松雪齊四皓調笑可以安儲皇若能禮此

最下士九州拭目瞻清光

漢書王賀為武帝繡衣御
史逐捕魏郡群盜堅盧等

黨與通典漢武帝時侍御史又有繡衣直指者出討
奸猾理大獄而不常置初學記漢官儀曰侍御史周
官也為柱下史冠法冠一名柱後以鐵為柱言其審
固不撓常清峻也魏畧曰帝嘗大會殿中御史簪白

筆側階而坐上下問左右此為何官何王左右不對辛
毗曰此為御史舊時簪筆以奏不法今者直備官但
毗筆耳陸機孝侯周處碑汪洋延闕之旁昂藏寮采
之上虎士出周禮見八卷註吳越春秋吳闔閭請干
將作名劍二枚干將妻斷髮剪爪投於爐遂以成劍
陽曰干將陰曰莫耶陽作龜文陰作漫理又子虛賦
建干將之雄戟張揖註干將韓王劍師雄戟胡矛有
鉞者干將所造則戟亦可稱干將矣說苑公子推行
年十五而相荆仲尼問之使人往視還曰廊下有二
十五俊士堂上有二十五老人仲尼曰合二十五人
之智智於湯武并二十五人之力力於彭祖以治天
下其固免矣乎史記四皓保護太子事見四卷註謝
瞻詩定都護儲皇三國
志四海延頸八方拭目

贈柳圓

竹實滿秋浦

蕭本作圃

鳳來何苦飢還同月下鵲三繞未

安枝夫子即瓊樹傾柯拂羽儀懷君戀明德歸去日

相思

陸璣詩疏鳳凰一名鷓鴣非梧桐不棲非竹實不食非醴泉不飲魏武帝短歌行月明星稀烏鵲

南飛繞樹三匝何枝可依瓊樹即瓊枝也以璆琳琅玕為實鳳凰食之詳見二卷註中謝靈運詩傾柯引

弱枝攀條摘蕙草

流夜郎半道承恩放還兼欣尅復之美書懷示

息秀才

黃口為人羅白龍乃魚服得罪豈怨天以愚陷網目

鯨鯢未翦滅豺狼屢翻覆悲作楚地囚何由蕭本作日秦

庭哭遭逢二明主前後兩遷逐去國愁夜郎投身竄

荒谷半道雪屯蒙曠如鳥出籠遙欣尅復美光武安

可同天子巡劍閣儲皇守扶風揚袂正北辰開襟攬

群雄胡兵出月窟雷破闕之東左掃因右拂旋收洛

陽宮迴輿入咸京席卷六合通叱咤開帝業一作手

成天地功大駕還長安兩日忽再中一朝讓寶位劍

璽傳無窮媿無秋毫力誰念矍鑠翁弋者何所慕高

飛仰冥鴻棄劍學丹砂臨爐雙玉童寄言息夫子歲

晚陟方蓬家語孔子見羅雀者所得皆黃口小雀問

而難得黃口貪食而易得黃口雀之初生其吻尚帶

黃色者也東京賦白龍魚眾見困豫且事詳六卷註

王融策秀才文為網羅之目尚簡李周翰註目網孔

也梁書宗社綴旒鯨鯢未翦曹問六代論掃除兇逆

義人也鮑照詩邊塵屢翻覆吳越春秋申包胥乃之

於秦求救楚書馳夜趨足踵蹠劈裂裳裹膝鶴倚哭

於秦庭七日七夜口不絕聲二明主謂京宗肅宗太

白前事明皇被讒遭逐後值肅宗坐累遠流所謂兩
 遷遂也庾信哀江南賦序予乃竄身荒谷公私塗炭
 楊素詩在昔天地閉品物屬屯蒙屯蒙者艱難蒙晦
 之義楞嚴經遠離三有如鳥出籠劍閣入蜀之險道
 已見前註時明皇幸蜀故曰天子巡劍閣至德元載
 七月改扶風為鳳翔郡二載二月肅宗幸鳳翔至十
 月兩京克復始自鳳翔還長安駐兵扶風者凡十月
 故曰儲皇守扶風初學記荆州星占曰北辰一名天
 關一名北極北極者紫宮太一座也此以喻天子之
 位晉書張賓謙虛敬慎開襟下士無賢不肖造之
 者莫不得盡其情後漢書鄧禹傳於今之計莫如延
 攬英雄舊唐書郭子儀傳二年九月從元帥廣平王
 率蕃漢之師十五萬進收長安迴紇遣葉護太子領
 四千騎助討賊子儀與葉護宴狎修好誓平國難
 相得甚歡子儀與賊將安守忠李歸仁戰於京西香
 積寺之北王師結陣橫亘三十里賊眾十萬陣於北
 迴紇以奇兵出賊陣之後夾攻之賊軍大潰自午至
 酉斬首六萬級賊將張通儒守長安聞歸仁等敗夜
 奔陝郡翌日廣平王入京師老幼百萬夾道歡叫涕
 泣而言曰不圖今日復見官軍廣平王休士三日率

師東趨十月安慶緒遣嚴莊悉其眾十萬來赴與張
 通儒同抗官軍屯於陝西負山為陣子儀以大軍擊
 其前迴紇登山乘其背遇賊潛師於山中與迴過期
 大軍稍却賊分兵三千人絕我歸路子儀麾迴紇令
 進盡殺之師馳至其後於黃埃中發十餘矢賊驚顧
 曰迴紇來即時大敗僵尸徧山澤嚴莊張通儒走歸
 洛陽遂與安慶緒渡河保相州子儀奉廣平王入東
 都陳兵於天津橋士庶歡呼於路肅宗紀至德二載
 十月癸亥上自鳳翔還京遣太子太師韋見素入蜀
 迎上皇丙寅至望賢宮得東京捷書上大喜丁卯入
 長安士庶涕泣拜忭曰不圖復見吾君十二月丙午
 上皇至自蜀上至望賢宮奉迎上皇御宮南樓上望
 樓辟易下馬趨進再拜蹈舞稱慶上皇下樓上匍匐
 奉上皇足涕泗嗚咽不能自勝遂扶侍上皇御殿親
 自進食自御馬以進上皇上馬又躬攬轡而行止之
 後退上皇曰吾享國長久吾不知貴見吾兒為天子
 吾知貴矣上乘馬前導自開遠門至丹鳳門旗幟燭
 天綵棚夾道士庶抃舞路側皆曰不圖今日再見二
 聖百僚班於含元殿庭上皇御殿左相苗晉卿率百
 辟稱賀上皇詣長樂殿謁九廟神主即日幸興慶宮

上請歸東宮上皇遣高力士再三慰譬而止十二月
甲子上皇御宣政殿授上傅國璽上于殿下涕泣而
受之史記席卷天下包舉宇內字林叱咤發怒也漢
書五載而成帝業國語夫成天地之大功者其子孫
未嘗不章虞夏商周是也蔡邕獨斷大駕則公卿奉
引大將軍參虞夏商周是也蔡邕獨斷大駕則公卿奉
在長安出祀天於甘泉備之西京賦云大駕幸乎平
樂之館呂延濟註大駕天子駕也蓋後人泛指天子
之駕為大駕易解終備日再中烏連嬉仁聖出握知
時封禪書新垣平言臣候日再中居頃之日却復中
周易聖人之大寶曰位西京雜記漢帝相傳以秦王
子嬰所奉白玉璽高帝斬白蛇劍後漢書武威將軍
劉尚擊武陵五溪蠻夷深入軍沒馬援因復請行時
年六十二帝愍其老未許之援自請曰臣尚能披甲
上馬帝令試之援據鞍顧盼以示可用帝笑曰嬰鑠
哉是翁也章懷太子註嬰鑠勇貌又逸民傳楊雄曰
鴻飛冥冥弋者何篡焉言其違患之遠也章懷太子
註篡字諸本或作篡法言作篡宋衷曰篡取也鴻高
飛冥冥薄天雖有弋人何所施巧而取焉喻賢者隱
處不羅暴亂之害也方蓬方丈蓬萊海中二神山也

贈張相鎬二首

時逃難病在宿松山作蕭本缺
儀魁岸廓落有大志涉獵經史好談王霸大畧

徒步扈從肅宗即位哀宗遣鎬赴行在所鎬至
鳳翔奏議多有弘益拜諫議大夫尋遷中書侍郎
同中書門下平章事時方興軍成帝注意將
帥以鎬有文武才業命兼河南節度使持節都
統淮南等道諸軍事及收復兩京加鎬銀青光
祿大夫封南陽郡公以本軍駐汴州招討殘孽

神器難竊弄天狼窺紫宸六龍遷一作白日四海一作

落暗胡塵昊穹降元宰君子方經綸澹然養浩氣歛

起持大繆本作天鈞秀骨象山岳英謀合鬼神佐漢解鴻

門生唐為後身一作功成思退身擁旄秉金鉞伐鼓

乘朱輪虎將如雷霆一作總戎向東巡諸侯拜馬首

猛士騎鯨鱗澤被魚鳥悅令行草木春聖智一作逢聖不

失時建功及良辰醜虜安足紀可貽懶與中倒瀉溟

海珠盡為入幕珍馮異獻赤伏鄧生歛蕭本作倏來臻庶

同昆陽舉再覩漢儀新東京賦巨猾間壘竊弄神器

狼星也見十一卷註曹植卞太后誄龍飛紫宸奄有

九土蠡海集天子之居曰紫宸六龍駕日車者也詳

見三卷註晉書昔者幽后不綱胡塵暗於戲水封禪

書肇自昊穹生民顏師古曰昊穹皆謂天也顯言氣

顯汗也穹言形穹隆也王融曲水詩序元宰比肩於

尚父中鉉繼踵於周南李善註元宰冢宰也周易雲

雷屯君子以經綸北史陛下不以劉裕歛起納其使

貢唐書張鎬與布衣不數年位將相獨孤及唐故洪

州刺史張公鎬遺愛頗隱居南山蓋三十期天寶十

四年始褐衣名見由是一命左拾遺再命右補闕修

國史三命侍御史四命諫議大夫五命書侍郎同

中書門下平章事起布衣二年綰相印佐王業明敷

之盛耀動古今於時至德二載也周書英謀電發神

旆風馳漢書項羽至戲西鴻門聞沛公欲王關中獨

有秦府庫珍寶亞父范增勸羽擊沛公饗士旦日合

戰羽季父項伯素善張良時從沛公項伯夜以語

良良與俱見沛公因伯自解於羽明日沛公從百餘

騎至鴻門謝羽自陳封秦府庫還軍霸上以待大王

閉關以備他盜不敢背德羽意已解范增欲害沛公

賴張良樊噲得免唐書肅宗本紀至德二載五月丁

巳諫議大夫張鎬為中書侍郎同中書門下平章事

八月甲申張鎬兼河南節度使都統淮南諸軍事十

一月張鎬率四鎮伊西北庭行營兵馬使李嗣業陝

西節度使來瑱河南都知兵馬使嗣吳王祇克河南

德皇后令擁旄司部李周翰註擁旄征人伐鼓任昉宣

以麾衆者也古今註大將軍出征特加黃鉞者以銅

爲之黃金塗刃及柄不得純金得賜黃鉞則斬持節

將陸雲吳故丞相陸公諫金鉞鏡日雲旗絳天冊府

元龜天寶元年正月一日改元詔曰文宣垂訓事必

正名黃鉞古者以金爲飾金者應五行之數布肅殺

之威去金稱黃理或未當其黃鉞宜改爲金鉞符威

武之意焉詩小雅伐鼓淵淵又大雅如雷如霆徐方
震驚魏書奉律總戎廓寧淮右羽獵賦乘巨鱗騎鯨
魚史記智者不失時王者不絕世詩大雅仍執醜虜
通鑑司馬懿與諸葛亮相守百餘日亮數挑戰懿不
出亮乃遺懿巾幗婦人之服懿怒上表請戰亮曰彼
本無戰情所以固請戰者以示武於其眾耳胡三省
註劉昭註補與服志公卿列侯夫人紺繒幘蓋婦人
首飾之稱獨孤及張公鎬遺愛碑春選乃僚必國之
良有若博陵崔賁昌黎韓洵趙郡李惟岳北海王士
華河間邢甯河東裴孝智隴西李道皆卿材也以嘉
言碩畫參公軍事晉書謝安與王坦之嘗詣桓溫論
事溫令卸起帳中卧聽之風動帳開安笑曰郗生可
謂入幕之賓矣後漢紀蕭王至中山群臣上尊號王
不聽諸將固請王名馮異問以群臣之議異曰三王
背叛更始敗亡天下無主宗廟之憂在於大王宜從
眾議上以安社稷下以濟百姓王曰我昨夢乘赤龍
上天覺悟心中悸動此何祥也異再拜賀曰此天命
發於精神心中悸動大王重慎之至也會諸生彊華
自長安奉赤伏符詣鄗郡臣復請曰受命之符人應
為大今萬里合信周之白魚馬足比乎符瑞昭晰宜

蒼天神以光上帝六月己未即皇帝位於鄗後漢書
鄧禹傳禹聞光武安集河北即杖策北渡追及於鄴
光武見之甚歡漢書王莽傳莽遣大司空王邑馳傳
之洛陽與司徒王尋發眾郡兵百萬平定山東邑至
洛陽州郡各選精兵牧守自將定會者四十二萬人
餘在道不絕車甲士馬之盛自古出師未嘗有也六
月邑與尋發洛陽欲至宛道出潁川過昆陽昆陽時
已降漢漢兵守之二公縱兵圍昆陽世祖悉發鄴定
陵兵數千人來救昆陽尋邑易之自將萬餘人行陣
勅諸營皆按部毋得動獨迎與漢兵戰不利大軍不
敢擅相救漢兵乘勝殺尋昆陽中兵出並戰邑走軍
亂天風蜚瓦雨如注水大衆崩壞號譁虎豹股慄士
卒奔走各還歸其郡後漢書光武帝紀時三輔吏士
東迎更始見諸將過皆冠幘而衣婦人衣諸于繡驪
莫不笑之或有畏而走者及見司隸僚屬皆歡喜不
自勝老吏或垂涕曰不圖今日復見漢官威儀○歎
忽昔為管將鮑中奔吳隔秦一生欲報三百代期榮

親其事竟不就哀哉難重陳臥病宿松山
古松滋蒼

茫繆本空四鄰風雲激壯志枯槁驚常倫聞君自天

來目張氣益振亞夫得劇孟敵一作國空定一作無人

捫虱對桓公願得論悲辛大塊方噫氣何辭鼓青蘋

斯言儻不合歸老漢江濱韻會將與也管鮑事見三

尚於榮親呂向註榮親謂爵祿名譽太平寰宇記舒

州宿松縣本漢皖縣地元始中為松滋縣屬廬江晉

武平吳以荆州有松滋縣遂改為宿松縣左思詩荆

軻飲燕市酒酣氣益振史記條侯時乘六乘傳會兵

榮陽至洛陽見劇孟喜曰七國反吾乘傳至此不自

意全又以為諸侯已得劇孟劇孟今無動吾據榮陽

以東無足憂者晉書桓温入關王猛披褐詣之一面

談當世之事捫虱而言旁若無人莊子大塊噫氣其

名為風宋玉風賦風生於地起於青蘋之末

其二一作書懷重寄張相公

本家一作隴西人先為漢邊將功畧蓋天地名飛青

雲上苦戰竟不侯當蕭本年頗惆悵世傳崆峒勇氣

激金風壯英烈遺厥孫百代神猶王十五觀音書作

賦凌相如龍顏惠殊寵麟閣憑天居一作侍從晚途

未云已蹭蹬遭讒毀想像晉末時崩騰胡塵起衣冠

陷鋒鏑戎虜盈一作荆朝市石勒窺神州劉聰一作

劫一作天子撫劍夜吟嘯雄心日千里誓欲斬鯨鯢

澄清洛陽水六合一作灑霖雨萬物一作無凋枯我

揮一杯水自笑何區區繆本作因人恥成事貴欲决

良圖滅虜不言功飄然陟一作方壺惟有安期烏留

之滄海隅 唐書宗室世系表李氏出自嬴姓其後有
仲翔為河東太守征西將軍討叛羌於素
昌戰沒葬隴西狄道東川因家焉仲翔生伯考隴西
河東二郡太守伯考生尚成紀令尚生廣前將軍廣
二子長曰當戶次曰敢郎中令關內侯敢生禹禹生
丞公河南太守丞公生先蜀郡北平太守先生長宗
漁陽丞長宗生君况博士議郎太守西夷校尉次公生軌
中侍御史本生次公巴郡太守西夷校尉次公生軌
魏臨淮太守司農卿軌生隆長安令積弩將軍隆生
艾晉驍騎將軍魏郡太守艾生雍濟北東莞二郡太
守雍生二子長曰倫次曰柔北地太守柔生弁前涼
天水太守武衛將軍安西亭侯弁生昶涼太子侍講
昶生昂西涼武昭王興聖皇帝云太白為昶聖皇
帝九世孫故以廣為祖李陵報蘇武書陵先將軍功
畧蓋大地義勇冠三軍劉良註先將軍廣也功績謀
畧甚大可蓋於天地道德指歸論名在青雲之上史
記李廣嘗與望氣王朔燕語口自漢擊匈奴廣未嘗
不在其中而諸部校尉以下材能不及中人然以擊
胡軍功取侯者數十人廣不為後人然無尺寸之功
以得封邑者何也豈吾相不當侯耶且固命也爾雅

太平之人仁丹穴之人智大蒙之人信空制之人武
郭璞註地氣使之然也史記正義拾地志云崆峒山
在肅州福祿縣東南六十里又云筭頭山一名崆峒
山在原州高平縣西百里按通典原州平高縣有崆
峒山岷州溢樂縣有崆峒山肅州福祿縣有崆峒山
是有三崆峒山也惟岷州漢時屬隴西郡張景陽詩
金風扇素節李善註西方為秋秋王金故秋風曰金
風也詩大雅貶厥孫謀世說見子嵩在其中常自神
王漢書蜀有司馬相如作賦甚麗溫雅楊齊賢曰
龍顏惠殊寵言名見之時御手調羹步輦降迎事也
劉琨表猥蒙天恩光授殊寵鮑照詩層閣肅天居劉
良註高閣肅然天子之居謝靈運詩崩騰衣冠斃鋒鏑
通大元始昌延濟註崩騰破曉貌梁書衣冠斃鋒鏑
之下老幼粉戎馬之足晉書孝懷帝紀永嘉五年六
月癸未劉曜王彌石勒同寇洛川王師頗為所敗死
者甚眾丁酉劉曜王彌入京師帝開華林園門出河
陰藕池欲幸長安為曜等所追及曜等遂焚燒宮廟
逼辱妃后百官士庶死者三萬餘人帝蒙塵於平陽
劉聰以帝為會稽公左傳右撫劍左援帶後漢書斯
誠雄心尚武之幾先志翫兵之日徐陵冊陳王九錫

文屠契論於中原斬鯨鯢於濛汜後漢書時冀州飢
荒盜賊群起乃以范滂為清詔使按察之滂登車攬
轡有澄清天下之志左思詩俯仰生容華咄嗟復周
枯廣雅區區小也史記毛遂曰公等錄錄所謂因人
成事者也十六國春秋勉思良圖自求多福蓬壺蓬
萊也見明堂賦註安期烏已見二卷註又南方草木
狀番禹東有澗澗中生萑蒲皆一寸
九節安期生採服仙去但留玉烏焉

聞謝楊兒吟猛虎詞因有此贈

同州隔秋浦聞吟猛虎詞晨朝來借問知是謝楊兒

同州隔秋浦謂同在池州而所隔者祇一秋浦之
水也秋浦水在池州府城西南八十里見八卷註

宿清溪主人

清溪在池州
詳見二卷註

夜到清溪宿主人碧巖裏簷楹挂星斗枕席響風水

月落西山時啾啾夜猿起

楚辭猿啾啾兮狻夜鳴
呂延濟註啾啾猿聲

繫尋陽上崔相渙三首

邯鄲四十萬同日陷長平能迴造化筆或冀一人生

史記白起越韓魏而攻彊趙北坑馬服誅屠四十餘
萬之眾盡之於長平之下流血成川沸聲若雷遂入
圍邯鄲論衡秦將白起坑趙降卒於長平之下四十
萬眾同時皆死沈炯自長安還至方山愴然自傷詩
秦軍抗趙卒
遂有一人生

其二

毛遂不墮井曾參寧一作殺人虛言誤公子投杼惑

慈親白璧雙明月方知一玉真

西京雜記趙有兩毛
遂野人毛遂墮井而
死客以告平原君平原君曰嗟乎天喪子矣既而知
野人毛遂非平原君客也戰國策曾子處費費人有
與曾子同名族者而殺人告曾子母曰曾參殺人
曾子之母曰吾子不殺人織自若有頃焉人又曰曾

李太白文集 卷一
參殺人其母織尚自若也頃之一人又告之日曾參
殺人其母懼投杼踰牆而走說文杼機之持緯者也
蕭士贊註太白引此自
况其遭誣耳。杼音紉

其三

虛傳一片雨枉作陽臺神縱為夢裏相隨去不是襄

王傾國人庾信詩何勞一片雨喚作陽臺神舊註此一首恐非上崔相亦恐非太白之作

陵贈賈舍人唐時巴陵郡即岳州也隸江南西道唐書賈至字幼隣擢明經第解褐單父尉從玄宗幸蜀拜起居舍人知制誥歷中書舍人至德中坐小法貶岳州司馬寶

應初名復故官

賈生西望憶京華湘浦南遷莫怨嗟聖主恩深漢文

帝憐君不遣到長沙史記賈生年少通諸子百家之書文帝召以為博士超遷一歲

中至太中大夫後亦疏之不用其議乃以為長沙王
太傅賈生既辭往行間長沙卑濕自以壽不得長又
以謫去意不自得及渡湘水為賦以弔屈原長
沙在洞庭湖之南去巴陵又遠五百五十里

李太白文集卷之十一
其三

虛傳一片雨柱作陽臺神縱為夢裏相隨去不是

上傾國人此一首恐非太白之作

贈賈舍人西道唐書賈至字幼隣

至德中坐小法貶岳州司馬

復故官

妙亦師靈斷之南夫四刺又發五百正十里

太軒賈至西道唐書賈至字幼隣

李太白文集卷之十一

錢塘 王琦琢崖輯註

趙樹元石堂較

古近體詩共二十五首

贈別舍人弟臺卿之江南按舊唐書永王璘傳云璘以薛繆李臺卿

蔡邕為謀王其即此臺卿歟太白之見薛於永王璘想斯人為之累也

去國客行遠還山秋夢長梧桐落金井一葉飛銀牀

覺罷攪明繆本作把朝鏡鬢毛颯已霜良圖委蔓草古貌

成枯桑欲道心下事時人疑夜光因為洞庭葉飄落

之一一作流瀟湘令弟經濟士一作才謫居我何傷一作出門

見我潛虬隱尺一作水著論談興亡客一作遇王子

喬口傳不死方入洞過天地登真朝玉皇吾將撫爾

背揮手遂翱翔一作鑿井銀作牀金瓶素練汲寒漿庾肩

吾詩銀牀落井桐韻會井幹井上木欄也其形四角

或八角又謂之銀牀皆井欄也史記明月之珠夜光

之璧以開投人於道路人無不按劍相眄者何則無

因而至前也楚辭洞庭波兮木葉下謝靈運詩末路

值令弟又詩潛虬媚幽姿說文虬龍子有角者水經

註仙人王子喬碑曰王子喬者蓋上世之真人聞其

仙不知與何代也博聞道家或言真川

醉後贈王歷陽淮南道有歷陽縣

書秃千兔毫詩裁兩牛腰筆蹤蕭本起龍虎舞袖拂

雲霄雙歌一作二胡姬更奏一作遠清朝舉酒挑朔

寄

雪從君不相饒晉書雖秃千兔之翰聚無一毫之筋

蘇頌曰詩裁兩牛腰言其卷大如牛

腰也梁武帝書評王右軍書字勢雄強如龍跳天門

虎臥鳳闕故歷代寶之永以為訓寧戚歌清朝飯牛

至夜半清朝猶清晨也鮑照詩日月流邁不相饒

贈歷陽褚司馬時此公為稚子舞故作是詩也

繆本缺此五字

北堂千萬壽侍奉有光輝先同稚子舞更著老萊衣

因為小兒啼醉倒月下歸人間無此樂此樂世中稀

藝文類聚列上傅曰老萊子孝養二親行年七十嬰

兒自娛著五色采衣嘗取漿上堂跌仆因臥地為小

兒啼或弄鳥鳥於觀測

對雪醉後贈王歷陽

有身莫犯飛龍鱗有手莫辦猛虎鬚君看昔日汝南

市白頭仙人隱玉壺子猷聞風動窗竹相邀共醉杯

中綠歷陽何異山陰時白雪飛花亂人目君家有酒

我何愁客多樂酣秉燭遊謝尚自能鸚鵡舞相如免

脫鸚鵡裘清晨鼓棹一作興罷過江去千里相思明月樓

一作他日西看却月樓。莊子疾走料虎頭編虎鬚

幾不免虎口哉神仙傳壺公者不知其姓名汝南費

長房為市掾忽見公從遠方來入市賣藥常懸一空

壺於屋上日入之後公跳入壺中人莫能見惟長房

樓上見之知非常人乃日日自掃公座前地及供饌

物公受而不辭積久長房猶不解亦不敢有所求公

知長房篤信謂長房曰至暮無人時更來長房如其

言即往公語房曰見我跳入壺中時卿便可效我跳

自當得入長房依言果不覺已入入後不復是壺惟

見仙宮世界樓觀重門閣道公左右侍者數十人公

語房曰我仙人也昔處天曹以公事不勤見責因謫

人間耳卿可教故得見我王子猷居山陰夜大雪眠

覺開室命酌酒詳見九卷註王僧孺詩半飲杯中綠

古詩晝短苦夜長何不秉燭遊晉書王導辟謝尚為

掾始到府通謁導以其有勝會謂曰聞君能作鸚鵡

舞一坐傾想寧有此理否尚曰佳便著衣噴而舞導

令坐者撫掌擊節尚俯仰在中旁若無人西京雜記

司馬相如以所著鸚鵡裘就市人楊昌買酒陶潛詩

鼓棹路崎曲吳均詩相思自有處春風明月樓太平

寰宇記江陵縣湘東苑有明月樓顏之推詩云屢陪

明月宴將軍扈義所造又鮑照吳歌

夏口樊城岸曹公却月樓。鶴音育

贈宣城宇文太守兼呈崔侍御

唐時宣州亦謂之宣城郡隸江南西道今之寧國府也

白若白鷺鮮清如清唳蟬受氣有本性不為外物遷

飲水箕山上食雪首陽巔迴車避朝歌掩口去盜泉

峇巖廣成子個儻魯仲連卓絕二公外丹心無間然

隋書食貨志是歲崑崙尾一值十縑白鷺鮮半之登
封縣志箕山在縣東南二十五里高大四絕其形如
箕山北為黃城許由隱處也又名許由山穎水自山
陰東流而去世稱箕穎虛巖幽壑茂草平林即當盛
暑亦無炎蒸之氣旁為棄瓢巖昔許由隱箕穎間以
手掬水飲之人遺一瓢得以操飲訖挂木上風吹
歷歷有聲由以為頽棄之巖下故名棄瓢巖洗耳泉
在其西元和郡縣志首陽山在河南府偃師縣西北
二十五里太平寰宇記首陽山在偃師縣西北三十
五里阮籍詩云步出上東門北望首陽岑下有採薇
士上有嘉樹林山上有夷齊祠詩國風采芣采芣首
陽之巖食雪事無考漢書邑號朝歌墨子迴車晉灼
曰紂作朝歌之音朝歌者不時也顏師古曰朝歌殷
之邑名也淮南子云墨子非樂不入朝歌水經註盜
泉出下城東北下山之陰尸子曰孔子至於勝母暮
矣而不宿於盜泉渴矣而不飲惡其名也故論語撰
考識曰水名盜泉仲尼不噉即斯泉矣淮南子曾子
立廉不飲盜泉廣成子魯仲連俱見二卷註峇巖喻

其品之高邁個儻美其才之不羈三國
志管寧德行卓絕海內無偶。嘆音例昔攀六龍飛

今作百鍊鉛懷恩欲報至投佩向北燕彎弓綠弦開

滿月不憚堅閑騎駿馬獵一射兩虎穿回旋若流光

轉背落雙鳶胡虜三嘆息兼知五兵權鎗鎗突雲將

却掩我之妍多逢勦絕兒先著祖生鞭據鞍空矍鑠

壯志竟誰宜蹉跎復來歸憂恨坐相煎無風難破浪

失計長江邊危苦惜顏光金波忽三圓時游敬亭上

閑聽松風眠或弄宛溪月虛舟信泗沿顏公二繆本作三

十萬盡付酒家錢興發每取之聊向醉中仙過此無

一事靜談秋水篇六龍已詳八卷註百鍊鉛言其柔
鉛性不能剛經百鍊則益柔矣袁

淑詩投佩出甘泉呂延濟註投佩謂去官也虞世南詩綠沉明月弦張華詩騰超如激電回旋如流光白帖後魏托跋翰從太宗游白登東北有雙鶯飛鳴於上太宗命左右射之莫能中鶯旋飛稍高翰因而自射之二箭下雙鶯太宗嘉之賜御弓矢以旌之號曰射鶯都尉鄭康成周禮註鄭司農云五兵者戈及戟首矛夷矛又云車之五兵鄭司農所云者是也步卒之五兵則無夷矛而有弓矢晉書劉琨與祖逖為友聞逖被用與親舊書曰吾枕戈待旦志梟逆虜常恐祖生先吾着鞭其意氣相期如此後漢書馬援披甲上馬據鞍顧盼以示可用帝笑曰矍鑠哉是翁也宋書宗慤曰願乘長風破萬里浪李嶠詩窮紀送頽光漢書月穆穆以金波顏師古註言月光穆穆若金之波流也李善文選註宣城郡圖經曰敬亭山在宣城縣北十里南史陶弘景特愛松風庭院皆植松每聞其響欣然為樂一鏡志宛溪在寧國府城東源出嶧陽山其流清澈陶潛詩虛舟縱逸棹謝靈運詩水涉盡泗沿洄逆水而上也沿順水而下也宋書顏延之在尋陽與陶潛情款後為始安郡經過日日造潛每往必酣飲致醉臨去畱二萬錢與潛潛悉送酒家稍

就取酒莊子有秋水篇君從九卿來水國有豐年魚鹽滿市井

布帛如雲烟下馬不作威冰壺照清川霜眉邑中叟

皆美太守賢時時慰風俗往往出東田竹馬數小兒

拜迎白鹿前含笑問使君日一作晚可迴旋遂一作還

歸池上酌掩抑清風絃曾標橫浮雲一作游下撫謝

眺肩樓高碧海出樹古青蘿懸唐以太常光祿衛尉

司農太府為九卿見通典顏延年詩水國周地險雲州多貌陳植詩文錢百億萬采帛若烟雲鮑照詩清如玉壺冰陸機詩清川含藻影謝朓為宣城太守有游東田詩後漢書郭伋為并州牧始至行部到西河美稷有童兒數百各騎竹馬道次迎拜伋問兒曹何自遠來對曰聞使君到喜故迎伋辭謝之及事訖諸兒復送至郭外問使君何日當還伋謂別駕從事諸日當告之行部既還先期一日伋為遣信於諸兒遂

止於野亭須期乃入藝文類聚謝承後漢書曰鄭弘
 為臨淮太守行春有兩白鹿隨車夾轂而行弘怪問
 主簿黃國鹿為吉凶國拜賀曰聞三公車轎畫作鹿
 明府當為宰相後弘果為太尉謝朓詩已有池上酌
 復此風中琴李周翰註池上酌謂酌酒池也
 上也蕭士贇曰曾標言其標致之高也
 光祿紫霞
 杯伊昔忝相傳良圖掃沙漠別夢繞旌旆富貴日成
 疎願言杳無緣登龍有直道倚玉阻芳筵敢獻繞朝
 策思同郭泰船何言一水淺似隔九重天崔生何傲
 岸縱酒復談玄身為名公子英才苦述邈鳴鳳托高
 梧凌風何翩翩安知慕群客彈劍拂秋
一作蓮後漢書李膺獨持風裁以聲名自高士有被其容接者名為登龍門章懷太子註以魚為喻也龍門河水所下之口在今絳州龍門縣辛氏三秦記曰河津一名龍門水險不通魚鼈之屬莫能上江海大魚薄集龍門下數

千不得上上則為龍也世說魏明帝使后弟毛曾與
 夏侯玄共坐時人謂蒹葭倚玉樹左傳士會乃行繞
 朝贈之以策杜預註策馬搥臨別授之馬搥並示已
 所策以展情後漢書郭泰字林宗遊於洛陽始見河
 南尹李膺膺大奇之遂相友善於是名震京師後歸
 鄉里衣冠諸儒送至河上車數千兩林宗唯與李膺
 同舟而濟眾賓望之以為神仙楚辭園則九重孰營
 度之王逸註言天圓而九重孰營度而知之乎十六
 國春秋子陵頡頏於光武君平傲岸於蜀肆縱酒縱
 適而飲酒也史記田廣與酈生日縱酒晉書符融談
 玄論道雖道安無以出之左思詩英雄有述邈由來
 自古昔韻會述邈難行不進之貌馬融廣成頌棲鳳
 鳳於高梧鮑照詩豈念
 慕群客咨嗟戀景沉

贈宣城趙太守悅

趙得寶符盛山河功業存三千堂上客出入擁平原
 六國揚清風英聲何喧喧大賢茂遠業虎竹光南藩

錯落千丈松虬龍盤古根枝下無俗草所植唯蘭蓀
史記趙世家簡子告諸子曰吾藏寶符於常山上先得
符者賞諸子曰奏之毋卹賢曰從常山上臨代代可取也
簡子於是知毋卹賢以為太子簡子卒毋卹代立是
為襄子遂興兵平代地平原君傳平原君趙勝者趙
之諸公子也諸子中勝最賢喜賓客賓客蓋至者數
千人相趙惠文王及孝成王三去相三復位封於東
武城虎竹謂銅虎符竹使符漢時郡守分其半與之
詳見五卷塞下曲註東方朔七諫閩南藩樂而欲往
王逸註南國諸侯為天子藩蔽故稱藩也此用其字
以稱宣城宣城在南方故曰南藩世說庾子嵩目和
嶠森森如千丈松雖磊砢有節日施之大厦有棟梁
之用沈約詩今守馥蘭蓀劉良註蘭蓀香草也詩意
以千丈松喻平原君蘭蓀喻趙太守謂英豪之後其
子孫自多
俊異也
憶在南陽時始承國士恩公為柱下史脫
繡歸田園伊昔簪白筆幽都逐游魂持斧佐蕭本三
作冠

軍霜清天北門差池宰兩邑鸚立重飛翻焚香入蘭
臺起草多芳言夔龍一顧重矯翼凌翔鷁赤縣揚雷
聲強項聞至尊驚鷹摧蕭本秀木跡屈道彌敦出牧
歷三郡所居猛獸奔唐時之南陽郡即鄧州也屬山
國士遇臣臣故以國士報之史記張蒼秦時為御史
主柱下方書索隱曰周秦皆有柱下史謂御史也所
掌及侍立恒在殿柱之下故老聘為周柱下史漢書
蒼自秦時為柱下御史通典侍御史於周為柱下史
老聘嘗為之秦時張蒼為御史主柱下方書亦其任
也章懷太子後漢書註武帝置繡衣御史通典魏置
御史八人當大會殿中御史簪白筆側陞而坐帝問
左右此何官何至辛毗曰此為御史舊時簪筆以奏
不法當如今者直備位但罷筆耳淮南子南至交趾
北至幽都漢書天兵四臨幽都先加顏師古註幽都
北方謂匈奴太平寰宇記晉地道記曰幽州因幽都
以為名山海經有幽都之山今列於北荒矣鄭樵爾

雅註幽都即幽州在今燕北史勃寇游魂於北狡賊
負險於南漢書武帝末軍旅數發郡國盜賊群起繡
衣御史暴勝之使持斧逐捕盜賊以軍興從事誅二
千石以下潘岳詩驅役率兩邑政績竟無施埤雅鶚
性好時故每立更不移處所謂鶚立義取諸此漢書
御史中丞在殿中蘭臺掌圖籍秘書外督部刺史內
領侍御史通典御史所居之署後漢以來謂之御史
臺亦謂之蘭臺寺謝朓詩平生一顧重通典大唐縣
有赤畿望繁上中下七等之差京都所治為赤縣京
之旁邑為畿縣其餘則以戶口多少資地美惡為差
胡三省通鑑註唐制凡置都其郭下縣為赤縣餘縣
為畿縣通鑑辯誤唐之西京以長安萬年為赤縣東
都以河南洛陽為赤縣後漢書董宣為洛陽令時湖
陽公主蒼頭白日殺人因匿王家吏不能得及王出
行而以奴駟乘宣於夏門亭候之叱奴下車因格殺
之宣即還宮訴帝帝使宣叩頭謝王宣不從強使頓
子者勢位至尊無敵於天下陸機詩驚飈塞反信李
康運命論木秀於林風必摧之陳子昂詩清淨道彌
敦後漢書劉昆遷弘農太守先是嶠詭驛道多虎災

行旅不通昆為政三年仁化大行虎
皆負子渡河庾信詩昆陽猛獸奔 遷人同衛鶴謬

上懿公軒自笑東郭履側慚狐白温閑吟步竹石精

義忘朝昏顛顛成醜士風雲何足論獼猴騎土牛羸

馬夾雙轅願借羲和 蕭本 景為人照覆盆溟海不震

蕭本 蕩何由縱鵬鯢所期要津日 蕭本作 倜儻假騰

騫也左傳衛懿公好鶴鶴有乘軒者杜預註軒大夫車

生久待詔公車貧困飢寒衣敝履不完行雪中履有

上無下足盡踐地道中人笑之東郭先生應之曰誰

能履行雪中令人視之其上履也其履下處乃似人

足者乎王微詩詎憶無衣苦但知狐白温呂向註狐

白謂狐腋之白毛以為裘也陸機詩玄冕無醜士三

國志註世語曰司馬宣王辟周泰頻喪考妣祖九

年居喪宣王留缺待之至三十六日擢為新城太守

宣王為泰會使尚書鍾繇調泰君釋褐登宰府三十

六日擢麾蓋守兵馬郡乞見乘小車一何駛乎泰日
誠有此君名公之子少有文采故守吏職獮猴騎土
土又何遜也廣雅曰御謂之義和抱朴子是責三光
不照覆盆之內也列子終髮之北有溟海者天池也
有魚焉其廣數千里其長稱焉其名爲鯤有鳥焉其
名爲鵬翼若垂天之雲其體稱焉世豈知有此物哉
大禹行而見之伯益知而名之夷堅聞而識之古詩
何不策高足先據要路津呂向註要路津謂仕官居
要職者亦如進高足居於要津
則人出入由之廣韻騫飛舉貌

贈從弟宣州長史昭

按宣州在唐爲上州上州之長史爲從五品官

淮南

一作北

望江南千里碧山對我行倦

一作盡

過之半

落青天外宗英佐雄郡水陸相控帶長川豁中流千
里瀉吳會君心亦如此包納無小大搖筆起風霜推
誠結仁愛訟庭垂桃李賓館羅軒蓋何意蒼梧雲飄

然忽相會才將聖不偶命與時俱背獨立山海間空
老聖明代知音不易得撫劍增感慨

繆本作榮

當結九萬

期中途莫先退

唐時之淮南道江南道皆古揚州之境中隔一江江之北爲淮南江之南

爲江南漢書河間賢明禮樂是修爲漢宗英三國志孫賁傳時策已平吳會二郡又朱桓傳使都伍吳會二郡知吳會者是吳郡與會稽也然此詩所稱吳會專指吳地而言蓋在春秋戰國時爲吳國在秦漢爲會稽郡後又分爲吳郡合而言之曰吳會也歸藏啟筮曰有白雲出自蒼梧入於大梁莊子搏扶搖羊角而上者九萬里○吳會之會古外切音贈相會之會本音

於五松山贈南陵常贊府

南陵縣唐時隸江南西道之宣州一統志

五松山在池州銅陵縣南五里銅陵在唐爲南陵縣之銅官治南唐時始分置銅陵縣隸昇州宋改隸池州容齋隨筆唐人呼縣丞爲贊府

為草當作蘭為木當作松蘭幽

繆本作秋

香風遠松寒不

改容松蘭相因依蕭艾徒丰茸雞與雞並食鸞與鸞

同枝揀珠去沙礫但有珠相隨遠客投名賢真堪寫

懷抱若惜方寸心待誰可傾倒虞卿棄趙相便與魏

齊行海上五百人同日死田橫當時不好賢豈傳千

古名願君同心人於我少畱情寂寂還寂寂出門迷

所適長鋏歸來乎

繆本作長劍歸來

秋風思歸客

謝靈運詩蒲稗相因依長門賦羅丰茸之游樹李善註丰茸衆飾貌說文礫小石也謝靈運詩歡娛寫懷抱史記范雎傳秦昭王遣趙王書曰范君之仇魏齊在平原君之家王使人疾持其頭來不然吾舉兵而伐趙趙孝成王乃發卒圍平原君家急魏齊夜亡出見趙相虞卿虞卿度趙王終不可說乃解其相印與

魏齊亡又田儂傳漢滅項籍立為皇帝田橫與其徒屬五百餘人入海居島中高帝聞之以為田橫兄弟本定齊齊人賢者多附焉今在海中不收恐後為亂乃使使赦田橫罪而名之橫乃與其客二人乘傳詣洛陽未至三十里至尸鄉廐置自到令客奉其頭從使者馳奏之高帝為之流涕拜其二客為都尉發卒二千人以王者禮葬田橫既葬二客穿其塚旁孔皆自到下從之高帝聞之乃大驚以田橫之客皆賢吾聞其餘尚五百人在海中使使召之至則聞田橫死亦皆自殺於是乃知田橫能得士也戰國策齊人有馮煖者貧乏不能自存使人屬孟嘗君願寄食門下左右以君賤之也食以草具居有頃倚柱彈其劍歌曰長鋏歸來乎食無魚孟嘗君曰食之比門下之客居有須復彈其鋏歌曰長鋏歸來乎出無車孟嘗君曰為之駕比門下之車客後有頃復彈其劍鋏歌曰長鋏歸來乎無以為家孟嘗君使人給其食用無所乏○茸音戎礫音力

自梁園至敬亭山見會公談陵陽山水兼期同

游因有此贈

一統志梁園在開封府城東南一名梁苑漢梁孝王游賞之地敬亭

山在寧國府城北十里江南通志陵陽山自石埠縣西北迤邐而來三峰連亘東接宣州西二峰下有黃鶴池昔竇子明跨鶴飛昇於此有丹池卽子明鍊丹處

我隨秋風來
瑤草恐衰歇
中途寡名山
安得弄雲月
渡江如昨日
黃葉向人飛
敬亭愜素尚
弭棹流清輝
冰谷明且秀
陵巒抱江城
粲粲吳與史
衣冠耀天京
水國饒英奇
潛光臥幽草
會公真名僧
所在卽爲寶
開堂振白拂
高論橫青雲
雪山掃粉壁
墨客多新文
爲余話幽棲
且述陵陽美
天開白龍潭
月映清秋水
黃山望石柱
突兀誰開張

一作白柱插星漢西崖誰開張

黃鶴久不

來子安在蒼茫東南焉
可窮山鳥飛絕處

繆本作山鳥絕飛處

一作猿狖絕行處

稠疊千萬峰
相連入雲去
聞此期振策
歸來空閉闕
相思如明月
可望不可攀
何當移白足
早

晚凌蒼山且寄一書札
令予解愁顏

江淹詩瑤草正翫艷張載詩下

車如昨日江淹詩弭棹阻風雪李善註弭止也范雲詩岱山饒靈異水國富英奇後漢書南山四皓有園公夏黃公潛光隱耀世嘉其高十六國春秋佛圖澄天竺人也本姓帛氏少出家清真務學誦經數百萬言石虎領心事澄乃下書曰和尚國之大寶榮爵不加高祿不受榮祿匪顧何以旌德法華經手執白拂侍立左右雪山掃粉壁謂畫雪山於粉壁之上墨客多新文謂文墨之客多以新文贊美之會公蓋工於繪事者也宋書幽棲宮谷外緣兩絕楊齊賢曰白龍潭在宣州世傳竇子明棄官學道釣得白龍放之於此因名白龍潭江南通志黃山在徽州歙縣西北二百八十里寧國府太平縣南三十里山當二郡之界

高一千三百七十丈盤互三百里舊名黟山唐天寶
間勅改今名以圖經稱為軒轅樓真之所故也上多
古木靈藥其泉香美清溫冬夏不變沐浴飲之百疾
皆愈有三十六峯三十六泉石柱山在寧國府旌德
縣西六十里雙石挺立而一巨石承之名豹子尖列
仙傳陵陽子明者銓鄉人也好釣魚於旋溪釣得白
龍子明懼解釣拜而放之後得白魚腹中有書教子
明服食之法子明遂上黃山採五石脂沸水而服之
三年龍來迎去止陵陽山上百餘年山去地千餘丈
大呼山下人令上山半告言溪中子安當來問子明
釣車在否後二十餘年子安死人取葬石山下有黃
鶴來棲其塚邊樹鳴呼子安云陸機詩振策涉崇邱
安轡遵平莽張銑註振舉也策鞭也法苑珠林前魏
太武時沙門曇始甚有神異常坐不臥五十餘年足
不躡履踐行泥穢中奮足便淨色白如面粉俗呼曰白
足阿練古詩客從遠方來遺我一書札張銑註札筆
也琦按顏師古漢書註札木簡之薄小者也
古時未有紙故書於札以爲筆者恐未是

贈友人三首

蘭生不當戶別是閑庭草風被霜露欺紅榮已先老
謬接瑤華枝結根君王池顧無馨香美叨沐清風吹

餘芳若可佩卒歲長相隨陳琳詩嘉木凋綠葉芳草
纖紅榮楚辭折疎麻兮瑤

華王逸註瑤華玉華也古詩冉冉孤生竹
結根泰山阿史記優哉游哉維以卒歲

其二

袖中趙匕首買自徐夫人玉匣閉霜雪經燕復歷秦
其事竟不捷淪落歸沙塵持此願投贈與君同急難

一作
歲寒荆卿一去後壯士多摧殘長號易水上爲我揚

波瀾鑿井當及泉張帆當濟川廉夫惟重義駿馬不
勞鞭人生貴相知何必金與錢史記太子豫求天下
之利匕首得趙人徐

夫人七首取之百金乃裝為遣荆卿索隱曰徐姓夫人名謂男子也餘詳四卷結客少年場註西京雜記高祖斬白蛇劍刃上常如霜雪

其三

慢世薄功業非無胷中畫
謔浪萬古賢以為兒童劇
立產如廣費匡君懷長策
但苦山北寒誰知道南宅
歲酒上逐風霜鬢兩邊
白蜀主思孔明晉家望
安石時來蕭木列五鼎
談笑期一擲虎伏避胡塵
漁歌游海濱弊裘恥妻嫂
長劍託交親夫子秉家義
群公難與鄰莫持西江水
空許東溟臣他日青雲去
黃金報主人嵇康司馬相如贊長卿慢世越禮自放詩國風謔浪笑敖三國志孫策與周瑜同年獨相友善

瑜推道南大宅以舍策升堂拜母有無通共梁元帝詩難聲下濺石猿鳴上逐風又云長條垂拂地輕花上逐風諸葛孔明詳見九卷註謝安石詳見七卷註劉孝標辨命論開東閣列五鼎漢書音義張晏曰五鼎食牛羊豕魚麋也諸侯五卿大夫三戰國策蘇秦說秦王說十上而說不行黑貂之裘敝去秦而歸至家妻不下維嫂不為炊父母不與言長劍託交親用馮煖事詳見本卷註莊子莊周家貧往貸粟於監河侯監河侯曰諾我將得邑金將貸子三百金可乎莊周曰周昨來有中道而呼者周顧視車轍中有鮒魚焉周問之曰鮒魚來子何為者耶對曰我東海之波臣也君豈有升斗之水而活我哉周曰諾我且南游吳越之王激西江之水而迎子可乎鮒魚忿然作色曰吾失我常與我無所處吾得升斗之水然活耳君乃言此曾不如早索我於枯魚之肆

陳情贈友人

延陵有寶劍價重千黃金
觀風歷上國暗許故人深

歸來挂墳松萬古知其心懦夫感達節壯士激青衿

繆本作壯鮑生薦夷吾一舉致齊相斯人無良朋豈

有青雲望臨財不苟取推分固辭讓後世稱其賢英

風邈難尚論交但若此有當作友道孰云喪多君騁逸

藻掩映當時人舒文振頽波秉德冠彝倫卜居乃此

地共井為比鄰清琴弄雲月美酒娛冬春薄德中見

捐忽之如遺塵英豪未豹變自古多艱辛他人縱以

疎君意宜獨親奈何成離居相去復幾許飄風吹雲

霓蔽日不得語投珠莫有蕭本作相報按劍恐相拒所思

采芳蘭欲贈隔荆一作修渚沉憂心若醉積恨淚如雨

願假東壁輝餘光照貧女

新序延陵季子將西聘晉帶寶劍以過徐君徐君觀

劍不言而色欲之季子為有上國之使未獻也然其

心許之矣致使於晉顧反則徐君死於楚於是脫劍

致之嗣君從者止之曰此吳國之寶非所以贈也延

陵季子曰先口吾來徐君觀吾劍不言而其色欲之

吾為有上國之使未獻也雖然吾心許之矣今死而

不進是欺心也愛劍傷心廉者不為也遂脫劍致之

嗣君嗣君曰先君無命孤不敢受劍於是季子以劍

帶徐君墓樹而去徐人嘉而歌之曰延陵季子兮不

忘故脫千金之劍兮挂墳墓鮑照詩我方歷上國詩

國風青青子衿毛傳曰青衿青領也學子之所服史

記管仲夷吾者穎上人也少時嘗與鮑叔牙遊鮑叔

知其賢管仲貧困常欺鮑叔鮑叔終善遇之不以為

言已而鮑叔事齊公子小白管仲事公子糾及小白

立為桓公公糾死管仲因焉鮑叔進管仲管仲既

用任政於齊齊桓公以霸九合諸侯一匡天下管仲

曰吾始困時常與鮑叔賈分財利多自與鮑叔不以

徒職云五家爲止遂人職云五家爲鄰鄭玄註鄭司
農云田野之居其比伍之名與國中異制故五家爲
鄰京謂異其名者示相變耳釋名五家爲伍以五爲
名也又謂之鄰鄰連也相連接也又曰比相親比也
漢書徙入舍祭竈請比鄰周易君子豹變古詩同心
而離居離騷飄飄風屯其相離兮帥雲霓而來御王逸
註回風爲飄飄風無常之風以與邪惡之象也雲霓
惡氣也以喻佞人史記明月之珠夜光之璧以開投
人於道路人無不按劍相眦者何則無因而至前也
陸機詩沉憂萃我心張銑註沉深也詩國風行邁靡
靡中心如醉魏武帝詩惋嘆淚如雨列女傳齊女徐
吾者齊東海上貧婦人也與鄰婦李吾之屬會燭相
從夜績徐吾最貧而燭數不屬李吾謂其屬曰徐吾
燭數不屬請無與夜徐吾曰一室之中蓋一人燭不
爲暗損一人燭不爲明何愛東壁之餘光不使貧女
得蒙見愛之恩長爲妾役之事使諸君常有惠施於
妾不亦可乎李吾莫能
應遂復與夜終無後言

贈從弟列

楚人不識鳳重

一作高

價求山雞獻王昔云是今來方

覺迷自居漆園北

蕭本作地

久別

蕭本作識

咸陽西風飄落日

去節變流鶯啼桃李寒未開幽閣豈來蹊逢君發花

萼若與青雲齊及此桑葉綠春蠶起中閨日出布

本繆

作撥穀鳴田家擁鋤犁顧余乏尺土東作誰相攜傅說

降霖雨公輸造雲梯羌戎事未息君子悲塗泥報國

有長策成功羞執珪無由謁明主杖策還蓬萊他年

爾相訪知我在磻溪

太平廣記楚人有擔山雞者路

鳳也路人曰我聞鳳久矣今真見之汝賣之乎曰然乃翻十金弗與請加倍乃與之方將獻楚王經宿而鳥死路人不遑恤其金惟恨不得以獻王國人傳之咸以爲真鳳而貴宜欲獻之遂聞於楚王王感其

欲獻已也名而厚賜之過買鳳之價十倍出笑林太
平寰宇記漆園城在曹州宛句縣北五十里莊周為
吏之所城北有莊周釣臺又濠州定遠縣有漆園在
縣東三十里其地東南西北約方三百步唐天寶中
尚有漆樹一二十株野火燔燒其樹在故縣村西一
百步即楚國莊周為吏之處今為隴畝一統志漆園
在鳳翔府定遠縣東三十里即莊生為吏之處又云
漆園城在山東曹縣西北五十里莊生為漆園吏即
此又云漆園城在大名府東明廢縣東北二十里今
各漆園村內有莊子廟蓋莊周為吏之所據二書漆
園有三此所云者當指曹州漆園也史記桃李不言
下自成蹊何遜詩伊我念幽關夫君思贊務謝瞻詩
花萼相光飾呂延濟註花萼喻兄弟也禽經鳴鳩戴
勝布穀也張華註揚雄曰鳩戴勝生樹穴中不巢
生爾雅曰鳩戴勝鳩即首上勝也頭上尾起故曰戴
勝農事方起此鳥飛鳴於桑間云五穀可布種也故
曰布穀又云此鳥鳴時耕事方作農人以爲候廣韻
鋤田器也犁墾田器也尚書平秩東作孔安國傳歲
起於東而始就耕謂之東作漢書方東作時應劭註
東作耕也顏師古註春位在東耕者始作故曰東作

尚書說命若歲大旱用汝作霖雨淮南子公輸天下
之巧士作雲梯之械設以攻宋高誘註雲梯攻城具
高長上與雲齊故曰雲梯左傳使吾子辱在泥塗久
矣呂氏春秋得伍員者爵執圭高誘註周禮侯執信
圭言爵之爲侯也又高誘淮南子註楚爵功臣賜以
圭謂之執圭比附庸之君也漢書遷爲執圭張晏註
侯伯執珪以朝位比之後漢書遂杖策歸鄉里水經
註磻溪中有泉謂之茲泉泉水潭積自成湖清即呂
氏春秋所謂太公釣茲泉也今人謂之凡谷石壁深
高幽篁邃密林障秀阻人迹罕及東南隅有石室蓋
太公所居也水流次平石釣處即太公垂釣之所其
投竿跪餌兩膝遺跡猶存是有磻溪之稱也其水清
冷神異北流十二里注於渭通輿扶風郡
磻縣有磻溪太公釣魚於此○磻音盤

贈閻邱處士

賢人有素業乃在沙塘陂竹影掃秋月荷衣霏玉本
落古池閑讀山海經散帙臥遙帷且耽田家樂遂曠

廣一作
林中期野酌勸芳酒園蔬烹露葵如能樹桃李
為我結茅茨江南通志沙塘陂在宿松城外唐閻邱處士築別業於此李太白有詩贈之云
云吳越春秋禹巡行四瀆與益夔共謀行到名山大澤名其神而問之山川脉理金玉所有鳥獸昆蟲之類及八方之民俗殊國異域土地里數使益疏而記之名之曰山海經謝靈運詩散帙問所知劉良註散帙謂開書帙也說文帙書衣也按古時書卷必有帙包之如裹袂之類或以細竹為簾囊以薄繒藏古書畫家尚存此製江淹詩汎瑟臥遙帷宋玉賦炊彫胡之飯烹露葵之羹爾雅翼古者葵稱露葵今摘葵必待露解語曰觸露不指葵日中不剪非各有宜也按本草葵一名露葵今謂之滑菜古人以為常饌四時皆可食六七月種者為秋葵八九月種者為冬葵正二月種者為春葵有紫莖白莖二種大葉小花花紫黃色其實大如指頭皮薄而扁今人不復食種者亦鮮漢書茅茨不翦顏師古註屋蓋曰茨茅茨以茅覆屋也釋名屋以草蓋曰茨茨次也次草為之也○帙音姪

贈錢徵君少陽一作送趙雲卿

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭水許本作川獵猶可帝
王師古詩晝短苦夜長何不秉燭遊投竿謂投竿於水而釣也周文王獵於渭水之陽遇太公望載與俱歸立為師見四卷註楊齊賢
日少陽年八十餘故方之太公

贈宣州靈源寺仲繆本作冲濬公

敬亭白雲氣秀色連蒼梧下映雙溪水如天落鏡湖
此中積龍象獨許濬公殊風韻逸江左文章動海隅
觀一作了心同水月解領得明珠今日逢支遁高談出
有無敬亭山蒼梧白雲已見本卷註一統志雙溪在寧國府城下二水合流釋子中能負荷大法者

謂之龍象翻譯名義大論云那伽或名龍或名象是
 五千阿羅漢諸羅漢中最大力以是故言如龍如象
 水行中龍力最大陸行中象力最大中阿舍經佛告
 鄒陀夷若沙門等從人至天不以身口意害我說彼
 是龍象胡三省通鑑註江郢揚南徐之地為江左豫
 南兗南豫之地為江右通雅金陵居長江下流前朝
 有江南者皆都之據金陵而言則江南居左尚書海
 隅日出罔不率俾水月謂水中月影非有非無了不
 可執慧者觀心亦復如是解頌解悟也明珠喻菩提
 大道也晉書沙門支遁以清談著名於時風流勝貴
 莫不崇敬以為造微之功足參諸正始僧肇維摩詰
 經註不可得而有不可得而無者其唯大乘行乎欲
 言其有無相無名欲言其無萬德斯行萬德斯行故
 雖無而有無相無名故雖有而無然則言有不乖無
 言無不乖有或說有行或說無行
 有無雖殊其致一也○濟音峻

贈僧朝美

水客凌洪波長鯨湧溟海百川隨龍舟噓吸繆本竟作喻

安在中有不死者探得明月珠高價傾宇宙餘輝照

江湖苞卷金縷褐蕭然若空無誰人識此寶竊笑有

狂夫了心何言說各勉黃金軀吳都賦長鯨不航修

物志曰鯨魚長者數千里小者數十丈雄曰鯨雌曰
 鮓或死於沙上得之者皆無目俗言其目化為明月
 珠水經註北眺巨海杳冥無極天際兩分白黑方別
 所謂溟海者也海賦魚則橫海之鯨窾兀孤遊茹鱗
 甲吞龍舟喻波則洪連蹶踏吹滂則百川倒流淮南
 子龍舟鷁首浮吹以娛高誘註龍舟大舟也刻為龍
 文以為飾也隋書波斯多金縷織成楞嚴經汝之心
 靈一切明了若汝現成所明了心實在身內謝朓詩
 遂鑠黃金軀陳子昂詩之子黃金軀如何此荒域○
 詩言水客泛舟大海舟為長鯨所噓吸遂遭溺沒其
 中乃有不死者反於海中得明月之珠卷而藏之不
 自眩耀人亦不識以喻人在煩惱海中為一切嗜慾
 所汨沒醉生夢死飄流無極乃其中有不昧本來者
 反於煩惱海中悟得如來法寶其價則傾乎宇宙其

光則照乎江湖卷而懷之不自以為有而若空無者
然人皆不能識此寶而唯我能識之夫心既明了更
無言說可以酬對唯勸勉珍重此軀而已蓋人身
難得六道之中以人道為最是此軀之重等於黃金
未可輕忽故曰各勉黃金軀也又按後漢書西方有
神名曰佛其形長丈六尺而黃金色各勉黃金軀者
是勉以修道成佛之意

贈僧行融

梁有繆本湯惠休常從鮑照游峨眉史懷一獨映陳

公出卓絕二道人結交鳳與麟行融亦俊發吾知有

英骨海若不隱珠驪龍吐明月大海乘虛舟隨波任

安流賦詩旃檀閣縱酒鸚鵡洲待我適東越相攜上

白樓宋書時有沙門釋惠休善屬文辭采綺艷徐湛之與之厚善世祖命使還俗本姓湯位至揚州

從事史鮑照有秋日示休上人及答休上人諸詩盧
藏用陳子昂別傳友人趙貞固鳳閣舍人陸餘慶殿
中侍御史畢構監察御史王無兢亳州長史房融右
史崔泰之處士郭襲微道人史懷一皆篤歲寒之交
崔顥贈懷一上人詩法師東南秀世實豪家子削髮
十二年誦經峨眉裏是史懷一為峨眉僧也三國志
管寧德行卓絕海內無偶西京賦海若游乎京渚薛
綜註海若海神也莊子夫千金之珠必在九重之淵
而驪龍頷下陸德明註驪龍黑龍也謝靈運詩溟漲
無端倪虛舟有超越李周翰註輕舟而進曰虛舟沈
佺期香山寺詩旃檀曉閣金輿度鸚鵡晴林綵仗分
元和郡縣志鸚鵡洲在鄂州江夏縣西南二里東越
卽會稽也施宿會稽志府城臥龍山南舊傳有白樓
亭今遺趾無所考詩用支道林事詳見十卷贈僧崔
公註○
驪音離

贈黃山胡公求白鸚并序○張華禽經註白鸚

黃山志白鸚性耿介難畜雄采而文素角哀英
二角壯時隆起出英上有時靡縮葢因氣鼓而

後壯也。背爪皆赤，其羽末黑。文如洒戩，若綠髮。又如界地錦，惟尾妥二莖，無緇文。班如也。志中亦載李白向黃山胡公求白鷗事。以胡公名暉，未詳何據。存之以廣異聞。

聞黃山胡公有雙白鷗，蓋是家雞所伏。自小馴狎，了無驚猜。以其名呼之，皆就掌取食。然此鳥耿介，尤難畜。予平生酷好，竟莫能致。而胡公輟贈於我，唯求一詩問之，欣然適會宿意。因援筆三叫文，不加點以贈之。
郭璞爾雅註：以筆滅字為點。南史劉儒嘗在御座為李賦，受詔便成。文不加點。

請以雙白璧買君雙白鷗，白鷗白如錦，白雪恥容顏。照影玉潭裏，刷毛琪樹間。夜棲寒月靜，朝步落花閑。

我願得此鳥，翫之坐碧山。胡公能輟贈，籠寄野人還。
孔穎達禮記正義：素錦，白錦也。白鷗，毛羽白質黑邊。有似錦文，故曰白如錦。虞騫詩：泠泠玉潭水。山海經：崑崙之墟，北有琪樹。

登敬亭山南望懷古贈竇主簿

敬亭一迴首，目盡天南端。仙者五六人，常聞此遊盤。谿流琴高水，石聳麻姑壇。白龍降陵陽，黃鶴呼子安。羽化騎日月，雲行翼鴛鴦。下視宇宙間，四溟皆波瀾。
沈繆本絕目下事從之復何難百歲落半途前期浩

漫漫強食不成味，清晨起長歎。願隨子明去，鍊火燒金丹。
元和郡縣志：敬亭山在宣州宣城縣北十二里。卽謝朓賦詩之所。阮籍詩：仙者四五人，逍遙宴。

蘭房江南通志琴高山在寧國府涇縣北二十里昔
琴高於此山修煉得道故名有隱雨巖是其控鯉上
昇之所巖下有煉丹洞洞旁有釣臺臺下流水即琴
溪也每歲上巳前後數日溪中出小魚謂之琴魚傳
為仙人藥渣所化九域志宣州宣城郡有花姑山亦
謂之麻姑山昔麻姑修道於此上昇有仙壇在焉江
南通志麻姑山在寧國府城東三十五里峯巒奇秀
作鎮郡東昔麻姑修道於此巖舉有仙壇丹竈劍池
石其杵釣魚臺天游亭諸跡水經註水出陽陵山下
徑陵陽縣西為旋溪水昔縣人陽子明釣得白龍處
後三年龍迎子明上陵陽山去地千餘丈後百餘
年呼山下人令上山半與語豁中子安問子明釣車
所在後二十年子安死山下有黃鶴栖其塚樹常鳴
呼子安莊子乘雲氣騎日月而游乎四海之外張協
詩雨足酒四溟李善註四溟四海也曹植詩盛年處
房室中夜起長嘆抱朴子夫金丹之為物燒之愈久
變化愈妙黃金入火百鍊不消埋之畢天不朽服此
二藥鍊人身體故能令人不老不死一統志丹臺在
陵陽山中峰之半平夷可容數
人相傳竇子明嘗煉丹其上

經亂後將避地剡中留贈崔宣城

剡中即剡縣唐時為越州

會稽郡之屬邑隸江南東道宣城縣為宣州宣城郡之屬邑隸江南西道

雙鷓飛洛陽五馬渡江徼何意上東門胡雛更長嘯
中原走豺虎烈火焚宗廟太白晝經天頽陽掩餘照
王城皆蕩覆世路成奔峭四海望長安嘔眉寡西笑
蒼生疑落葉白骨空相弔連兵似雪山破敵誰能料
我垂北溟翼且學南山豹崔子賢主人歡娛每相召
胡牀紫玉笛却坐青雲叫楊花滿州城置酒同臨眺
忽思剡溪去水石遠清妙雪晝天地明風開湖山貌
悶為洛生詠醉發吳越調赤霞動金光日足森海嶠

獨散萬古意閑垂一溪釣猿近天上啼人移月邊棹
無以墨綬苦來求丹砂要華髮長折腰將貽陶公誚
晉書五行志孝懷帝永嘉元年二月洛陽東北步廣
里地陷有蒼白二色鵝出蒼者飛翔冲天白者止焉
陳留董養曰步廣周之狄泉盟會地也白者金色國
之行也蒼為胡象其可盡言乎是後劉元海石勒相
繼亂華太安中童謡曰五馬游渡江一馬化為龍後
中原大亂宗藩多絕惟琅琊南西陽南頓彭城同
至江東而元帝嗣統矣史記索隱張揖云徽塞也以
木柵水為蠻夷界顏師古漢書註徽猶塞也東北謂
之塞西南謂之徽塞者以障塞為名徽者取徽遮之
義晉書石勒年十四隨邑人行販洛陽倚脯上東門
王衍見而異之顧謂左右曰向者胡雛吾觀其聲視
有奇志恐將為天下之患張載詩季葉喪亂起盜賊
如豺虎唐書安祿山陷兩京宗廟皆焚毀漢書太白
經天天下革政孟康註謂出東入西出西入東也太
白陰星出東當伏東出西當伏西過午為經天晉灼
註日陽也日出則星亡晝見午上為經天文獻通考

肅宗至德二載七月巳酉太白書見經天至於十一
月戊午不見歷秦周楚鄭宋燕之分謝瞻詩頽陽照
通津夕陰暖平陸頽陽落日也藝文類聚桓譚新論
曰關東鄙語曰人間長安樂出門向西笑後漢書舉
首噴眉之感漢書欲令久連兵無決列女傳南山有
玄豹霧雨七日而不下食者何也欲以澤其毛而成
文章也故藏而遠害王粲詩願我賢主人與天享壽
巍胡三省通鑑註胡牀今謂之交牀其制本自虜來
隋惡胡字改曰交牀唐猶謂之胡牀今之交椅是也
十六國春秋涼州人胡據盜發張駿墓得赤玉簫紫
玉笛薛方山浙江通志刻溪在紹興府嵊縣南一名
戴溪溪有二源一出天台一出武義西南流至東陽
入剡南北流入上虞界以達於江晉王徽之雪夜由
此溪訪戴逵世說人問顧長康何以不作洛生咏荅
曰何至作老婢聲劉孝標註洛下書生咏音重濁故
云老婢聲釋名山鏡而長曰嬌賈公彥周禮疏漢法
丞相中二千石金印紫綬御史大夫二千石銀印黃
綬縣令六百石銅印墨綬南史陶潛為彭澤令郡遣
督郵至縣吏白應束帶見之潛嘆曰我不能為五斗
米折腰向鄉里小人即日解印綬去職賦歸去來以

遂其志○
徽音教

獻從叔當塗宰陽冰

唐江南西道宣州有當塗縣宣和書譜李陽冰字少

溫趙郡人官至將作少監善詞章畱心小篆迨三十年初見李斯碑山碑與仲尼延陵季子字遂得其法乃能變化開合自名一家推原字學作筆法論以別其點畫又嘗立說謂於天地山川得其方員流峙之形於日月星辰得其經緯昭回之度近取諸身遠取萬類幽至鬼神情狀細至於喜怒哀之舒慘莫不畢載後人不足以明此於是誤謬滋多義理掃地雖李斯之博雅以東為束蔡邕之知書以豐作豐故孔壁之餘文汲冢之舊簡所存無幾幸天未喪斯文宗旨在已其自許慎至是作刊定說文三十卷以紀其學人指以為蒼頡後身方時顏真卿以書名世真卿書碑必得陽冰題其額欲以擅連壁之美蓋其篆法妙天下如此議者以蟲蝕鳥跡語其形風行雨集語其勢太阿龍泉語其利嵩高華岳語其峻實不為過論有唐三百年以篆稱者

唯陽冰
獨步

金鏡霾六國亡新亂天經焉知高光起自有羽翼生

蕭曹安峴岬耿賈摧櫬槍吾家有季父傑出聖代英

雖無三台位不借蕭本四豪名激昂風雲氣終協龍

虎精弱冠燕趙來賢彥多逢迎魯連善繆本談笑季

布折公卿北堂書鈔尚書考靈耀云秦失金鏡魚目入珠註曰金鏡喻明道也漢書王莽以戊

辰直定即真天子位定有天下之號曰新後漢書亡新後僭漸以即真莊子亂天下之經逆物之情蕭何曹參佐漢高以平天下耿弇賈復輔光武以定亂離岬岬不安也詳三卷註中爾雅彗星為櫬槍郭璞註亦謂之彗言其形彗彗如帚彗春秋含漢孽三公在天法三台九卿法北斗漢書列國公子魏有信陵趙有天平原齊有孟嘗楚有春申皆藉王公之勢競為游俠雞鳴狗盜無不賓禮皆以取重諸侯顯名天下搯擊

而游談者以四豪為稱首周易雲從龍風從虎孔穎
達正義龍是水畜雲是水氣故龍吟則景雲出是雲
從龍也虎是威猛之獸風是震動之氣亦是同類相
感故虎嘯則谷風生是風從虎也禮記二十日弱冠
孔穎達正義二十成人初加冠禮體猶未壯故曰弱
也左太冲詩吾慕魯仲連談笑却秦軍詳見二卷註
史記單于嘗為書嫚呂后呂后大怒名諸將議之上
將軍樊噲曰臣願得十萬眾橫行匈奴中諸將皆阿
呂后意曰然季布曰樊噲可斬也夫高帝將兵四十
餘萬眾困於平城今噲奈何以十萬眾橫行匈奴中
而欺且秦以事於胡陳勝等起今瘡痍未瘳噲又面
諛欲動搖天下是時殿上皆恐太后罷朝遂不復議
擊匈奴事○霾音埋橈初銜
切插平聲音同攬槍音撈
遙知禮數絕常恐不合
并惕想結宵夢素心久已冥願慙青雲器謬奉玉樽
傾山陽五百年綠竹忽再榮高歌振林木大笑喧雷
霆落筆灑篆文崩雲使人驚吐辭又炳煥五色羅華

星秀句滿江國高才拔天庭

在助詩平生禮數絕式瞻在國楨李周翰註禮

數絕謂交道相得雖品命有異不為禮數王粲詩何懼不合并顏延年詩仲容青雲器江淹詩共惜玉樽暮三國志註魏氏春秋曰嵇康寓居河內之山陽縣與陳留阮籍河內山濤河南向秀籍兄子咸琅邪王戎沛人劉伶相與友善游於竹林號為七賢按阮籍叔姪與嵇康為竹林之遊不知是何年而康之死在魏景元二年以後順數而下至唐肅宗上元二年共得五百年竹林之游相去亦不過在此時博物志薛譚學謳於秦青未窮青之旨遂辭歸秦青乃饒於郊衢撫節悲歌聲振林木響遏行云鮑照飛白書勢銘輕如游霧重似崩雲昭明太子錦帶書筆陣引崩雲之勢魏文帝詩丹霞夾明月華星出雲間上天垂光彰五色一何鮮蜀都賦摘藻揆天庭呂宰邑艱難時向註揆猶葢也○揆舒瞻初閱去聲

浮雲空古城居人若薙草掃地無纖莖惠澤及飛走
農夫盡歸耕廣漢水萬里長流玉琴聲雅頌播吳越

還如太階平

說文薙除草也陳書兩藩毗庾掃地無遺宋書政事修理惠澤沾被後漢書恩

信寬澤仁及飛走詩國風漢之廣矣不可泳思稱漢水曰廣漢本此而非隴西之廣漢郡也當塗之江與漢水殊遠然漢水之下流亦由當塗而過詩意取子賤彈琴而單父治之意謂玉琴之聲與長流萬里漢水之聲相應蓋亦倒裝句法也太階平

來時白下亭群鳳憐客鳥差池相哀

霏玉本作愛 鳴各拔

五色毛意重太山輕贈微所費廣斗水澆長鯨彈劍

歌苦寒巖風起前楹月啣天門曉霜落牛渚清長嘆

卽歸路臨川空屏營

圖經白下亭在上元縣北景定建康志舊志白下亭驛亭也舊

在城東門外李白獻從叔當塗宰陽冰詩曰小子別金陵來時白下亭留別金陵諸公詩曰五月金陵西祖子白下亭又云驛亭三楊樹正當白下門按此亭在府西葢新舊各在一處舊志所指是其新者耳詩

國風燕燕於飛差池其羽鄭箋曰差池其羽謂張舒其尾翼也苦寒行古清商曲也因行役遇寒而作元和郡縣志博望山在宣州當塗縣西三十五里與和州對岸江西岸山曰梁山兩山相望如門俗謂之天門山山上皆有却月城宋車騎將軍王玄謨所築牛渚山在宣州當塗縣北三十五里山突出江中謂之牛渚圻古津渡處也舊唐書牛渚山一名采石在當塗縣北四十五里大江中後漢書夙夜屏營章懷太子註屏營彷彿也

書懷贈南陵常贊府

南陵贊府已見本卷註

歲星入漢年方朔見明主調笑當時人中天謝雲雨

一去麒麟閣遂將朝市乖故交不過門秋草日上階

當時何特達獨與我心諧置酒凌歊臺歡娛未曾歇

歌動白紵山舞迴天門月問我心中事爲君前致辭

君看我才能何似魯仲尼大聖猶不遇小儒安足悲

雲南五月中頻喪渡瀘師毒草殺漢馬張兵奪秦蕭本

作雲旗至今西二當作河流血擁僵屍將無七擒畧魯

女惜園葵咸陽天下繆本樞累歲人不足雖有數斗

玉不如一盤粟賴得契宰衡持釣慰風俗自顧無所

用辭家方未蕭本歸霜驚壯士髮淚滿逐臣衣以此

不安席蹉跎身蕭本世違終當滅衛謗不受魯人譏

太平廣記東方朔未死時謂同舍郎曰天下人無能
知朔知朔者惟太王公耳朔卒後武帝得此語召太
王公問之曰爾知東方朔乎公對曰不知公何所能
曰頗善星曆帝問諸星皆在否公曰諸星具在獨不
見歲星十八年今復見耳帝仰天嘆曰東方朔生在
朕旁十八年而不知是歲星哉圖經凌歊臺在當滄

縣城北黃山上宋武帝南游嘗登此臺因建離宮焉

宋凌歊臺周圍五里一百步高四十丈石碑見存白

茅山在當塗縣東五里本名楚山桓温領妓遊此山

奏樂好為白苧歌因改為白苧山天門山已見上首

註江淹詩小儒安足為關中之地古秦地也故謂關

中兵旗曰秦旗唐書天寶十載四月壬午劍南節度

使鮮于仲通及雲南蠻戰于西洱河敗績大將王天

運死之十三載六月劍南節度留後李宓及雲南蠻

戰於西洱河死之按西洱河即葉榆河也出雲南大

理府之點蒼山匯為巨湖周三百里亦曰西洱海傳

云以形如人耳故名三國志註漢晉春秋曰諸葛亮

既得使觀於營陣之間問曰此軍何如獲對曰向者

不知虛實故敗今蒙賜觀營陣若祇如此即足易勝

耳亮笑縱使更戰七縱七擒亮猶遣獲獲止不去曰

公天威也南人不復反矣列女傳魯漆室邑之女過

時未適人當穆公時君老太子幼女倚柱而嘯其鄰

人婦從之游謂曰何嘯之悲也子欲嫁耶吾為子求

君老太子幼鄰女笑曰此乃魯大夫之憂婦人何與
馬漆室女曰不然昔晉客舍吾家繫馬園中馬逸馳
走踐吾葵使我終歲不食葵今魯君老悖太子少愚
奸偽日起夫魯國有患者君臣父子皆被其辱禍及
衆庶婦人獨安所避乎吾甚憂之子乃曰婦人無與
者何哉鄰婦謝曰子之所慮非妾所及三年魯果亂
齊楚攻之魯連有寇男子戰鬪婦人轉輸不得休息
袁淑詩秦地天下樞李善註區要也漢書加安漢公
號曰宰衡應劭註周公爲太宰伊尹爲阿衡采伊周
之尊以加莽也後人稱宰相爲宰衡本此舊唐書天
寶十二載八月京城霖雨米貴令出太倉米十萬五
減價糶與貧人十三載秋霖雨積六十餘日京城垣
屋頽壞殆盡物價暴貴人多乏食令出太倉
米一百萬石開場賤糶以濟貧民○歎音囂

贈汪倫
楊濟賢曰白游涇縣桃花潭村人汪倫常醞美酒以待白倫之裔孫至今寶其

李白乘舟將欲行忽聞岸上踏歌聲桃花潭水深千

尺不及汪倫送我情

按通鑑唐記聞知微爲虜踏歌

地以爲節也一統志桃花潭在寧國府涇縣西南一
百里深不可測○唐汝詢曰倫一村人耳何親於白
旣醞酒以候之復臨行以祖之情固趨俗矣太白於
景切情真處信手拈出所以調絕千古後人效之如
欲問江深淺應如遠別情
語非不佳終是杞柳杯椽



